

兩浙輶軒續錄

兩浙輶軒續錄卷二十六目

黃安濤 許乃濟 陳鴻 戚人鏡 孔傳綸

楊于高 戴鼎恒 姚樟 馬士龍 董瀾

潘源 宗霈 范元禮 張湜 陸文謨

包瞎 周賡 孫均 陳行 馬慶孫

宋槌 胡爾榮 王福田 楊建 查弈照

曹森 吳震森 陸鎔 徐軾 紀峻

姚文泰 章三曾 傅德涵 婁承灃 陶璜

陳鎣 曹宗熙 曹宗勳 瞿霽春 張應昌

胡元杲 吳鉛孫 周光鼐 陳均 徐善遷

沈濤 莊仲方 張心淵 潘棟 沈潮

周聯奎 周鑠 邵謹 邵棠 陳掄英

周 森 壽于敏 蔡聘珍 俞寶華 潘 鼎

陳桐生 章 黼 趙 琴 孫國壽 常 璘

張敬謂 錢 東 汪曾澤 李 堂 馬怡孫

馬 瀛 武承烈 張心言 施鍾成 陸如溶

伊 杓 嚴 勳 徐石麟 莫 量 李端本

胡 選 壽于牧 王維祺 鄭作朋 王宸正

兩浙輶軒續錄卷二十六

督學使者潘衍桐訂

黃安濤

字凝輿號霽青嘉善人嘉慶己巳二甲一名進士官廣東潮州知府著詩娛室詩集二十四卷息耕

草堂詩

十六卷

沈曰富撰墓誌君服官多惠政所至好扶植土類其斷獄時或依傍經義不規規於成法初莅高州俗好訟多積獄君檄屬州縣書兩造兩辭揭通衢約以期自至期外至者不復聽竟削其牘未一載獄之平者以千計潮人好私鬪鬪必殺傷事發則市人代抵名曰宰白鴨諸守潮者憑屬吏所報取易了率不復窮治君慨然曰此長亂之道也我不可不報取易之獄上必詳問覺其非真殺者輒語之曰若但弗承毋他慮我養若衙中獲犯而後釋若則往往緝得之以故終君在末嘗戮一代抵者君之他政多可述此二事者尤非俗吏所能著有真有益齋文編十卷

欲借汪小米舍人

遠孫

湖樓小住詩以代簡

酷愛西湖好山色一日不見每相憶譬如得一素心人可以與之數晨夕所恨探幽窮日力朝昏復苦重城隔聞君家有

湖上樓對面雲山環水石竭來清游須浹旬擬向居停分半  
宅白蘇隄邊泛畫橈南北峰巔攜蠟屐因君厚結邱壑緣俾  
我得送煙霞癖黃冠白衲相把臂釣叟樵夫互爭席主人有  
時乘興來座上不知何者客寓公拜惠夫如何笑指花潭水  
千尺

同人訪竹垞先生曝書亭

問訊垞南蹟已陳三閭醞觴喜重新此亭海內自千古佳士

坐中今幾人敢道先生屈文苑

國史列先生文苑傳之首

還容後輩認

鄉親

柳東太史有竹垞鄉親私印

小樓牆角神廬在太息仍留未了因

種樹

千金構園亭難得是喬木閒庭劇空曠遐想入林谷土宜別  
陰陽秋實候生熟吳船移根來綠意紛在目榆柳杉梧楓材

爭秀良毓稚松作龍鱗何時高過屋江陵橘千頭利爲後人  
卜齋前種白楊惟恐死不速流光一視蔭跳丸雙轉轂非無  
十年計易長我愛竹

偶繙己巳會試同年題名錄志感

篋中故紙費摩挲三十年前進士科一輩黑頭長壽少千秋  
青史直言多曾居諫垣而有建白如龔聲甫王藝齋陳千橋唐鏡海諸君細論出處原難  
合逆料窮通半已訛休比有餘方不足樗材自幸老巖阿

錢武肅王投太湖龍簡文拓本爲翁叔均大年題文曰

弟子天下都元帥尙父守中書令吳越國王錢鏐年  
七十七歲二月十六日生自統制山河主臨吳越民  
安俗阜道泰時康市物平利遐邇清晏仰自蒼昊降  
祐大道垂恩伏願台具告祈兼乞鏐王申行年四時  
履歷壽齡遐遠眼目光明家國隆興子孫繁盛志願  
元祝允協投誠謹詣太湖水府金龍驛傳於吳越國  
蘇州府吳縣洞庭鄉東皋里太湖水府告文寶正三  
年歲在戊子三月丁未朔二十六日壬申投翁徵君

海琛考云 國朝順治元年夏吳中大旱太湖龜壩  
簡村居民於湖底得錢武肅王龍簡蓋投水府之告  
文也其文一百七十九字楷法頗似麻姑仙壇記略  
有剝蝕處四旁有一龍環之其質銀重二十兩長五  
寸七分廣三寸五分雍正中先外父拙齋沈公欲以  
銀四十兩易之不可乃假揚數十本藏之後聞其子  
已鏽廢之矣乾隆壬子春余至沈氏索之  
尚存三十紙因乞歸以附金石集錄之末

神龍不睡茅山起虹貫婆留井中水六十年來奉八朝撐天

一柱東南峙錦衣三節還故鄉兩藩金印何輝煌時和道泰

民物阜志祈元祝崇緇黃李琪吳越王生祠碑度奉緇黃太湖蒼蒼開水府

效順翰祥百靈聚翠旒玉馱函香來龍威歡躍馮夷舞鎔銀

琢字雲螭纏醺謝不啻青詞鐫時維季春日傳送歲在寶正

之三年是年旱甚多飛蝗惟王禱祀都會堂安知不藉龍簡

力一夕風雨埋錢塘軍士撩清不敢竊砂磨水鑿終難滅歟

然潦盡露精光入手摩挲想鴻烈朱提可惜銷融易不及頑

銅長久計難得君家搨本藏筆蹤猶認仙壇字霸業消沈十

四州臨平王氣黯然收鐵幢浦與金塗塔一樣英雄故蹟留

許乃濟

字作舟號青士學范三子錢塘人嘉慶己巳進士官至太常寺卿

府志乃濟在諫垣時以敢言見稱嘗疏請保舉孝廉方正宜覈實嚴禁崇文門稅局需索奉

詔嘉許時鴉片煙禁方嚴乃濟獨疏請弛禁納稅有旨切責中外咸非笑之未幾變本加厲果如所言

杭郡詩三輯青士與其兄菊船榕皋弟玉年滇生幼從

其舅戴九橋先生安詩游萬秋生繪橫橋吟館圖以紀

其盛青士氣局安雅學識超邁戊午副貢庚申舉京兆

試己巳捷南宮散館第一授編修由給事中壬午典試

粵西旋觀察粵東擢鹽運使升按察使內授

光祿寺卿代廣東學政旋升太常寺卿致仕

琴鳴舊廬餞別郭頻伽吳兼山

頑雲沈沈障碧空雷車夜發轟殘冬雪花融液作苦雨萬感

楂柯如亂峯入門把臂忽傾倒今日重逢郭有道如何便放

湖邊舟識君苦遲別君早延陵公子翩然來相看身世俱塵



埃下牀動足各萬里不如且盡尊中醅作歌贈君君已醉盡  
君窮途兩行淚悲歡聚散徒紛紛一笑明蟾夢中墜

之江晚眺

江波倒折羣峯開沈沈煙翠蒙樓臺輕窵戛樹雪初霽暗水  
嚙沙潮暮來舟子移舟傍塔影塔外殘霞紅半嶺白鳥雙飛  
入遠天迴流鎖斷斜陽冷

題靈芬館圖

分湖湖水到門清短檣移家有鶴迎偏解柔情爲兒女未妨  
傲骨見公卿能貧卽是詩人福下筆還防後世名鐵笛紅樓  
沈醉處爲誰腸斷補新聲

感事

甲帳高懸宿斗牛蘆笳吹徹暮雲愁漢川東折波濤咽蜀棧

西盤草木秋見說雄關屯虎豹幾曾峻阪試驂騑從戎報國  
男兒事不爲祈封萬戶侯

謁蘇文忠祠

芳隄金碧棋樓臺學士風流舊宇開一代文章關氣數半生  
遷逐老奇才湖山如此人何在笠屐依然鶴不猜我欲呈詩  
向公座萬梅花底踏香來

陳

鴻字叔誠號午橋錢塘人嘉慶己巳進士官通政司參議

杭郡詩三輯午橋由詞館入諫垣嘗謫剛直有聲後典試貴州督學雲南奏革陋規嚴束書吏淬厲士子宿弊爲之一清

百益酒詩贈禾中黃東樵

於越釀百花春缸綠紋皺淮揚傳五加酒人以金購未若樵  
李城黃君醞芳酎百草皆益人早將斯理究漸漬各醅黃碧

蓋香風透一酌已赭顏再酌餘酣漱匪特愈拘攣且亦勝砭  
灸銀瓶爭索嘗神功已屢奏我聞山中千人日如一晝又聞  
蓬萊春捧觴祝高壽方茲百益名養生不可又仙醴比瓊漿  
題筆傳太守長水貽盛名不脛而自走

戚人鏡

原名士鏡字仲蘭號蓉臺一號鑑堂錢塘人嘉慶己巳進士官司經局洗馬

府志人鏡四歲而孤母蔣氏教習成立少時以詞章名既乃潛究體用之學日以志節自勵家甚貧時以典質給饘饘饗事母孝既仕迎養京邸怡順之色傳于塗巷嘗典山左右誌事者二視點學者一尋以

上書房需人

召還都人鏡懷方不阿頗忤要人意以事齟齬之遂落職  
命在實錄館勅力書成復官累進司經局洗馬居母喪不近  
內不飲酒食肉雖嚴寒不衣裘朝夕饋食涕淚被面逾  
年如初喪時奉柩由潞河觸熱南返殯于湖堦值酷暑  
病衆勸之入城泣曰吾雖病吾安忍舍吾母而去也卒  
不聽不數日竟以哀毀卒

送潘芸閣

錫恩

觀察江蘇

朝廷重敢言臣節戒趨利任事與求榮迹同心則異君昨徒  
薪謀抗疏違眾議惟此款款忠獨邀

聖主契賈讓策非迂劉晏才可試繡衣巡江南行將股肱寄  
當今任鉅艱方圓貴不器寅衷宜集思道謀賴定計俗眼誇  
寵榮軒冕豈君志何以答昇平報稱信非易

孔傳綸

字言如號夢鵲錢塘人嘉慶己巳進士官福建邵武知府

吳振威傳畧夢鵲爲己巳會元性醇行和訥訥然如不出諸其口然在諫垣時屢拜章疏議論皆見侃直得郡後路經故鄉小住嬰微疾卒無子以兄子爲嗣嘗典廣西湖南四川試事廣西榜首爲陳蓮史繼昌庚辰會試廷試皆第一亦科名盛事也

雪夜戲效禁體

城頭凍雲捎古木欲暮未暮歸鴉宿北風吹水水不流縹緲  
神京馭膝六乍看厯亂舞階除旋見迷漫沒林麓無端松柏

改青蔥頓失溪山眞面目灑迴漫空眼眩花霑衣撲袖肌生  
栗野寺遙沈五夜鐘鄰園祇亞千竿竹小樓獨對神轉清把  
酒長吟興未足君不見老樹村邊燈影中猶有書聲在茅屋

楊子高

字振巖號蘋香平湖人嘉慶己巳進士  
官四川彭山知縣著錄楊外史吟稿

縣志于高長身玉立千言立就令彭山除暴  
安良盜賊屏息重建摩雲書院士風大振

豔歌行

明星何爛爛皎月團清光佳人挾錦瑟願上君子堂鴻鵠猶  
雙飛夫君忍乖違空房甘獨守刀尺理寒衣隋珠能照影不  
照孤幃冷明鏡能鑑形不鑑虛堂靜紅豆已離離君歸復何  
時

廣陳鎮訪趙彝齋先生故居

寒風吹枯蘆餘雪猶在樹艤舟訪隱居莽莽幾邨鳴湖水自

澄清斯人已千古但聞廣福鐘一聲來隔浦

戴鼎恆

字子京號春溪瑯子烏程人嘉慶己巳進士官江西南康知府著玲瓏山館詩鈔

雪中送伍曙樓赴滇

君從萬里來復欲萬里去斜笠風雪中驅馬燕山路滇池距  
京遠一別無由晤南望點蒼山相思渺何處此邦舊南詔風  
尚殊樸素州倅職非卑民牧資以助敦樸勸農桑哀矜愼刀  
鋸雖在古蠻貊柔遠意宣布君才豈百里久熟當世務金錫  
產夙饒努力修名樹臨別此贈言一聽故人語蒼茫揖前塗  
振策破煙霧

夕泊天津關

秋色碧迢迢秋聲捲夜潮星辰喧海市燈火抱河橋月出人  
爭渡風迴酒半銷魚鹽誰逐迹天府羨肥饒

姚

樟字玉梁號笙華歸安人嘉慶己巳進士  
官湖南永定知縣著雲映仙館詩稿

秋穫田家雜詩

年豐鳥聲樂歲歉農心苦苦樂本相關豐歉誰爲主今茲幸  
有秋且復滌場圃翻憶盛夏時三旬注淫雨我稼傷蕪穢手  
足盡泥土皇天一何慈民食登三鬴勤動固有時農功無莽  
鹵嘉穀報苦心努力輸

天庾

農家缺占候但記昴宿中桐陰疏屋角幽壁號寒蟲飲啄適  
雞犬擔負誇兒童穀乾議速積米簸催夕春婦女約夜績同  
巷相過從宵漏補日晷殷勤課女紅萬物各有職惜陰歸老  
農終歲未得閒試與歌豳風

小敷山沈下賢故宅用李長吉送沈亞之歌韻

大雅不作思唐風青山寂寞山桃紅吳興才人郢州掾風流  
鎮在敷山東長安晝翻雲錦笈賦罷歸來看劒缺蒼苔冷月  
逼書帷瑟瑟秋聲下涼葉當年蹭蹬走日下世上浮名飛野  
馬長歌乞得長爪生後來誰是知君者自古才人愛駿骨顧  
影追風孰敢捽山中霜雪壓嚴寒不羨伶倫吹煥律

海昌馬容海復得查氏皺雲石索詩寄題

世上賢豪多混迹具眼翻愁天宇窄卓哉乃有查先生不愧  
鬱林一片石紫雲細蹙蓉峯低淋漓醉墨親標題當時千金  
不易奪閱世苔沅埋荒蹊主人多聞兼好事重拓一弓新位  
置心賞不讓九華姿劒酬且仿仇池計君不見牛氏奇疆遠  
莫論石林久折名空存鷗波亭子月河曲三品瞥忽移雲根  
吾鄉趙榮祿故莊三品輦載萬牛始可徙惜乎不出酬恩子  
石近爲有力者移去



楚弓楚得亦何嫌爲爾激昂那及此嗚呼物色風塵自昔緣  
祇今得所甯非仙他時過訪林泉主爲爾下拜心茫然

馬士龍

字階陸號銘軒鄞人嘉慶己巳進士  
官廣東德慶知州著青橋山房詩集

縣志士龍官東莞時重囚以深夜挾刃登牆謀劫獄士  
龍入詰之曰爾等不盡入於死誰誤爾等就死地者今  
爲爾治之囚感其誠伏地乞命而止又讞重獄閱前牘  
疑之齋禱於神平反其獄再三申覆大吏第釋枉者請  
無緣平反狀爲前官  
地後引疾歸里卒

赴崇陽任舟中作

片帆遙指古山城問訊民居瘠土成穫稻經秋傳歲稔趁墟  
浹日盼朝晴市荒莫辨魚鰕饌地僻應無雀鼠爭暫挈妻孥  
共麤飯家風儉樸本儒生

謁柳文惠祠

柳江日夜水湯湯想見先生流澤長吾道幾人推羽翼崇祠

千古有馨香合題丹荔黃蕉頌爭訪蠻煙瘴雨鄉讀罷殘碑  
謁遺像羅池亭外半斜陽

于役佛岡登峽山寺度歲

江雲漠漠江樹陰行舟直到峽山岑峽山有寺藏何處凝碧  
灣前煙霧深天開雙峽湏水曲兩條白龍江爲束何年此寺  
卻飛來碧樹叢深遺碧玉二禺對峙鬱穹隆帝子高蹤髣髴  
中蒼雪崖閒雲繚繞金芝巖外月玲瓏試話當年嘯雲侶山  
僧埽地寂不語白猿一嘯已干春游人猶指猿嘯處葛壇阮  
徑枕江潭洞草巖花影倒涵福地從推第十九何必海上神  
山三山巔樹杪懸飛瀑拋出珍珠十萬斛洗將塵籟淨箏琶  
戛得清音空琴筑笑我嶺南兩度游此山雖到未探幽塵海  
光陰將十載煙霞懷想幾經秋重來此寺躡芒屨小汲山泉

分一勺苔碑蘚石細摩挲鳥語經聲同咀嚼忽地松風萬頃  
濤滿身嵐翠溼霑袍但覺露臺魚頃答似聞雲壑夜猿號吁  
嗟此境真清絕況是今宵肯遽別山僧向我說新年怕聽雞  
催人捧節

歸德峽

界上林  
縣境

峭壁聳巔屹巖泉滴滴寒天開仙洞穴浸古林巒路轉江  
心窄山回地肺寬平蠻經略地奇境耐人看

距百色二百里餘重山江路卽景

一行一重山山徑隨水曲煙雨溟濛中巖穴如有屋窄訝無  
路通忽到山之麓轉身水爲開側面峯又矗江中小石丸鄰  
鄰手可掬是時柔艣搖咿啞響滿谷波影擁嵐光照我鬚眉  
綠明發百色程夢與飛鳥速

董

澗

字文濤號小莊鄞人嘉慶己巳進士官江西餘干知縣

縣志澗知新淦縣縣多盜密訪其首置之法四境帖然  
移餘干令縣有東山書院為朱子注離騷地絃誦久輟  
澗延師課士立碑記之後引年乞休留主安次書院一  
年乃歸士民送者萬人既歸足不入城市約父老為一  
簋之集又建宗祠增益祭田置義塾恤宗族  
孤寡故人死經紀其喪葬及歿家無餘財

題鄭小樵畫梅冊

暗香疏影逋翁句寂寞孤山處士家想見竹波軒夢醒滿腔  
詩思出杈枒

潘

棟

字西泉會稽人嘉慶己巳進士官甘肅甯夏道

供梅

新聯松竹歲寒盟貯向銅瓶細品評珍重南枝香一瓣安排  
東閣夢三生儘誇月影隨身好不信春光著手成斗室莫嫌  
岑寂甚淡無言處總怡情

宗

霈

字稼秋號靜軒會稽人嘉慶己巳進士官湖南零陵知縣祀名宦

謁周子故里遂游月巖

乍入營陽境已覺超愚邱山川聚清氣萬古資一收森森五  
星光潛照濂溪頭至人生其間大道明九州重關混沌歟大  
化從之游不見月巖中悟境天早留抱奇昔不出閭閻三千  
秋易本日月生理自盈虧求妙哉一卷石意象通圓球豈謂  
拘此虛便當圖書按泥是與辨非所見皆鑠舟頃訪道山廬  
濯纓沿清湫河洛源誰尋聖脈空悠悠安得坐深谷澄懷屏  
百憂讀書以終老豈徒養空浮仰止心無窮臨風緬前修塵  
鞅促歸去心在山之幽

零陵蔣子祠

古之大孝者首稱帝嬀氏南巡葬九疑其山出瀟水茲土鍾

厥靈往往多孝子惟子宰泉陵下車甫伊始竊聞巫豎兒身  
能代父死爾時守陣兵匱糧三月矣飢則餐民肉渴則吸民  
髓猝來繫厥父方欲其刀七孝子挺身出父瘠盡殺已亂卒  
亦動心許以彼易此幸免劉翁羹慘爲神由醢卓哉髻髮年  
竟作千秋士事親如事君致身在怙恃雖遭屠戮殃可作全  
歸視邑人告余言殘碑昔湮圯上帝實鑒臨雷風拔碑起堂  
堂播宗師作文重享祀潛德賴昌明後人識砥礪再拜謁祠  
下婉容想形似觸余風木懷哀哀涕獻唏愧爲人父母尤當  
肅人紀願以孝烈風勸汝邑子弟

范元禮

字用和錢塘人

杭郡詩三輯用和幼習書史履踐篤實兩封股  
療父母疾壯歲悼亡義不再娶而壹志戒殺

白沙泉

一泓白沙泉汨汨泛雪乳窮冬氣獨溫盛夏淥忘暑枯僧止  
水心不知年幾許我欲從之游石鼎茶爲煮

張

吳字之江  
錢塘人

杭郡詩三輯之江性至孝邃于經學詩不求工率多逸  
句如春日湖上云山影靜沈水湖光綠抱城鳥嘯岳王  
墓花落水仙祠卽景云花隨流水春難覓人立  
斜陽影漸無卒年僅弱冠王樹長埋可勝淒惋

富春舟中

倚枕篷窗病體孱畫眉喚起特開顏水聲激石有餘韻雲影  
隨帆不得閒羌篴無心閒雁戍釣竿何日占漁灣富春一角  
黃公望人在青山紅樹間

陸文謨

字芭州錢塘人  
著愛閒堂詩鈔

張雲徵序畧余束髮卽聞陸先生能醫不聞其能詩也  
後客揚州先生孫聽山來官丁谿始出愛閒堂詩謀授  
梓郵示余旣卒業乃歎曰有是哉賢者固不可測而先  
生之詩竟爲醫掩也今觀先生之爲詩也其性眞似柴

桑其風格在輞川蘇州閒而其神韻直如君家之劍南  
由平時所養優故所詣彌粹乃恍然於先生之醫與詩  
殆一以貫之者也先生之詩不可沒先生之醫尤  
不可沒聞先生有傷寒類編證治約編藏於家

草堂卽事

家居城南隅塵市若山莊巒光映我廬水色映我堂庭前花  
與鳥相對意自長不識身世累誰爲繫我腸朝陟吳山巔暮  
歸江水塘百歲能幾時金尊何可忘年少不行樂老大徒悲  
傷

送高山骨之武岡

故人客湘水千里片時留道左無相識家貧有遠游一詩壯  
行色半醉解離愁漫說男兒志終年在九州

包

嘻字秋吟  
錢塘人

黃葉



點染先教天雨霜金風獵獵臘秋光  
圍來瘦蝶色深淺踏徧疲驢亭短  
長幾樹遮山支古寺半灣流水浸斜  
陽江南村裏鵝兒酒記得年時一樣  
黃

周

賡

字蓮渠  
錢塘人

汪月樵明府偕黃小秋許季青將之  
邗上袁丈嘯竹攜酒小詩龕餞別卽  
席和季青韻

北風日以冽塵顏日以厚極睇天之  
涯莽莽雲低阜人生非挺鹿何事忘  
羣走於焉此暫停感君侑以酒飲泣  
不能言吾舌猶存口輕離重知己所  
期在無負大節任此身狂瀾回以手  
卓然志古人庶幾垂不朽亦旣懷好  
音豈必貽佩玖物各戀其曹士固有  
所偶百年能幾何言之欲疾首今夕且  
謀醉

明朝還折柳

孫

均

字古雲上殺孫仁和嘉慶朝襲伯爵

杭郡詩續輯古雲既襲封日從羽林郎奔走屬車豹尾間性不耐勞引疾乞退僑居吳下二十餘年舉止豪放所蓄圖書金石甚富

屠琴鳴招集潛園觀新作畫冊同人分詠得寺憶曾游

處橋憐再渡時

卜築依吳趨曠與故鄉隔故鄉好湖山緬想清夢劇昨來纔卸裝尋煙命雙屐延緣南山南兼繞北山北松門送疏磬柳港趁遙笛處處皆宿游步步快新獲好景不能摹悠然胸次積屠侯吾石交招邀展芳席名士如名山坐對概舊識我媿乏片長君才量一石文章婢羣雅餘事及畫冊卽看此幅中皴染透活碧煙光撲衣襟窈窕悅心魄曲澗跨橋敲雙崖抱寺窄圖中人似我曳杖覓前迹欲奪怕見嗔一醉且療癖明

朝別君去西風宿水驛相思非一端回首望鄉國

陳

行

字小魯仁和人

杭郡詩三輯小魯與秋堂爲從兄弟行舊居十五間園後徙去有名園荒了詞極悽惋家貧訓蒙賣字以自給性孤介不諸于俗坐是益困道光丁亥依友人黃山漁以終梁晉竹爲月一窗秋影盡詞稿稱其出入蘇辛小令酷肖板橋詩不多作亦殊清特

浙江秋望

寥廓魚龍水清高鴻雁天登樓秋萬里吳越兩茫然

一雨

一雨三五日滿地苔花青胡蝶忽飛去誰家秋夢醒

詠史

不趨不拜不稱臣朝罷歸來氣尙矜丞相一生軍國事襄陽礮火上湖鎗

馬慶孫

字章伯號梅泉  
履泰子仁和人

憶聖果寺桃

清饒久不療舌本乾欲皺誰知翠鳳飛銜來蟠核秀花照金地光實滲紅霞透天龍不敢吞常爲至人守彈指千年餘壞劫看屢遘宮闕化飛煙靈核遺世壽我恐曼倩先不顧青苔溜一笑卻歸來予生亦已後

南園懷古

寶蓮山紫明霞積鑿開山翠流寒碧閣道橫飛跨遠空當日平原開別業闕古堂前壽玉觴麝蘭薰徹煙雲香千枝蠟炬照紅豔萬樹緋桃爍粉光戔戔珠冠花下集舞翻瑀佩催腔急鐵綆江中戰鷁飛玉津園裏秋蟲泣繁華自古風鐙移君恩已盡誰逆知滿頭花醉扶不起正是沙隄簿錄時頭顱萬

里隨金使墓前空表忠臣字舞榭歌樓轉眼非蕭蕭野竹連  
山寺我來訪古穿煙蘿桃蹊踏徧蒼苔多渭南遺碣不可見  
鄭碑尙想藏荒坡噫吁嘻人世飈輪那可說興衰有似漚生  
滅許閒堂復半閒堂蟋蟀聲中更淒咽

宋

榿

字宗彝海甯人  
著雞窗百二稿

崔以學傳略先生幼異敏日讀書盈寸清羸多疾大母  
陸愛憐之不使應科舉遂工詩古文辭比長專意於詩  
沈博奧衍窮變極奇目光短而炯自少至老未嘗倦怠  
蠅頭之書手錄古今詩三萬有奇嚴於澄汰然世所傳  
雞窗百二稿尙不下數千首事親以孝聞友愛兩弟尤  
篤當析箸時讓腴就瘠以是家少落仲弟蚤世撫其孤  
如己出教養兼至季弟夢熊亦近八旬長枕大被六十  
年如一日廣交游好獎借後學奇貧敦行之士振乏周  
急無歲無之

書滿洲果塔塔拉氏死節事

食君之祿忠君事烈丈夫乃有此志臨危慷慨竟捐生巾幗

亦能明大義二女隨亡更慘傷委身玉井骨生香煌煌

天語榮褒卹

雨露恩霑日月光

和半村秋詠

木落露遙峯氤氲空翠重勁風撐傲骨小雨沐塵容壁峭喧  
飛瀑雲深遞暝鐘衰夫畏勞碌不敢曳枯筇

罪罪與漠漠一味釀蕭森翳日沈高閣和煙冒遠林陰晴渾  
莫定舒卷本無心悟徹人情薄悲吟匪自今

書凌孝女傳後

孝女生有至性長適謝瘦仙  
歿後友人崔蒼雨爲作傳

崔陵才調本如仙妙筆能將婉婉傳備四德尤事母孝薄千  
金在相夫賢

見傳中

艱難兒女成行日慘澹尊章下世年悽絕

子荆重伉儷鸞膠不忍續新絃

打冰詞

朔風怒吼天昏霧千里長河一夕凍冰厚三尺堅於鐵椎擊  
弇旬屹無縫南船阻北西阻東倉皇四顧路不通日高老龍  
抱珠睡瞋然驚破馮夷宮

胡爾榮

字廉石海甯人  
著蕉窗臚稿

海昌備志廉石工文辭詩亦超妙所藏書畫甚富幾與  
馬寒中道古樓相埒名流晉接無虛日不問生人產家  
業遂中落

過白洋里抱璞居士墓下作

暝色渺煙波孤村隱雲樹一棹獨溯洞繫纜白洋渡大雅去  
已久短碣迹堪數平生貞隱操孝友急先務式後古所難餘  
澤眾生慕公卿芥子盛吉壤豈無故臨風奠一杯征衣溼松  
霧

王福田

字心耕嘉興人

府志福田居竹里嗜金石與張廷濟最契

沈竹岑表兄得聚君墓誌輒余向時熟知之今歸張叔

未兄爲賦以紀

聚君輒出螺潭土螺潭不見聚君墓沈疆古竈一千年誰認

滄桑舊時路耕者覆棄桑樹根字畫幸無鋤犁痕

輒棄桑田多年幸字

畫在下故得不損

廟僧收拾又十載等閒覆甌老瓦盆

廟僧以覆甌

竹君

爲訪宋碑去

紹定中鄞人史顯慶爲秀水推官禱神病瘳因建廟而爲之記

白髮廟工爲告

語作詩紀事僧求書白雲移贈竹深處可憐老竹今凋枯曰

贈舅氏走奚奴

魯村表姪爲叔未外甥

一輒頑然何足重要索詩詠聯

璣珠張兄老學癖運甕漢魏晉輒計十百獨於此輒成長篇

爲念故人情更劇我孱嬾從舊乘稽舊事流轉欣重提凋年



詩成索一笑梅華開報東西溪

楊

建

字芷亭嘉興人  
著維園詩鈔

許仁杰曰先生人品高潔有林處士風所居曰秋水一  
灣與郭頻伽輩往來酬唱無虛日又善山水得倪黃筆  
意箸有畫  
隱錄二卷

山樓初曉

五更敲枕醒隱隱寺鐘鳴漸覺曙光動忽驚窗隙明雲低愁  
夜雨風緊喜冬晴山鳥一聲喚悠然怡我情

歲暮書懷寄示馮柳東

滿庭黃葉夕陽多久掩蓬門斷客過身與梅花同耐冷心如  
井水不生波興來作畫忘工拙老去吟詩嬾琢磨忽接故人  
書尺一翻將雋語慰蹉跎

查奕照

字丙塘嘉善人海甯籍官江蘇  
淮安同知著東望閣詩鈔

府志奕照講求經濟年少館京師侍郎環珥宅垣赴浙  
聘掌章奏以絕接濟甯牧張玉田轉饒甘肅遇匪警居圍城  
匝月策以絕接濟援據劫截剿躡擊諸法寇得撲滅百  
齡督兩江威望嚴重委合鞠獄有劫庫戕官案捕者以  
難民三人當之具白其無辜百督始詰責之繼器重之  
歎謂能以氣節抗上官脩脯所入援例官通判進權准  
安同知值河南潰決工繁帑絀部議按田派夫預征雜  
稅爲條陳不可狀請借提淮商引費卒如議行既歸里  
與嘉興張廷濟同邑黃安濤相  
友善往來倡和尤超出塵壒云  
汪能肅傳畧丙塘嘗從阿公林保之閩平蔡牽之役實  
在兵間林清倡亂丙塘在慶公保幕總理糧餉審辦邪  
黨會公擢貴州巡撫聘丙塘偕往遂入黔黔地多苗患  
編行保甲扼要巡防屯兵占民地者給還之畜蠱毒者  
懲治之減運銅之費禽棚教之魁  
黔乃大治蓋皆丙塘幕中策畫也

### 通天臺

老去悲懷五柞風臺高浪說與天通露濃金掌來王母月冷  
珠幃失少翁萬里貳師空黠武千秋一夢竟邀功羨他楹角  
無知物翻得淩虛上太空

高平賊警同郡守以下各官守城感作

匹馬上孤城刀光潑水迎燕然無巨筆細柳有堅營甲帳含  
昏霧春田誤早耕一般花月夜愁殺玉谿生

郭汾陽故里

令公旂出埽機槍手奠金甌答上皇帳下公侯供盥埽閨中  
兒女薄君王建甯雖貴終騰謗光弼能兵未善藏那及親仁  
舊桑梓至今父老頌汾陽

曹

字澤堂海鹽諸生  
署山左紀行草

彭時序署翠堂性喜吟詠中歲往來山左名山大川足  
以開拓胸襟故登臨懷古諸作慷慨淋漓直軼古人  
將之山左勸兒子夢熊

白日不暫駐紅顏不長好書囊苦無底及時須探討伊余總  
角時汲古厲昏曉轉眼四十春無聞傷夙抱女今十齡餘未

解摘文藻我生旣蹉跎女宜勤學早況我鮮伯仲父母復衰  
老我今欲遠行昕夕誰女保富貴雖儻來榮名古所寶溫飽  
慎勿志斯言聽毋藐

由阿城踏雪至張秋鎮

于役多羈愁況復阻深雪策蹇厯平岡聊以破岑寂山徑斷  
溪流板橋絕人迹雞犬寂無聲淒風撼古驛迤邐入村市樓  
臺鋪玉屑沿隄列廛肆百貨俱駢集徘徊眺邱墟天光半明  
滅回頭角聲吹村煙起林隙

吳震森

字芸閣石門諸生

清明過蘭溪

城郭沿山石徑斜東風開遍小桃花男兒自有江湖志不爲  
清明便憶家

陸

銘字春林號水如平湖諸生著緯蕭亭詩稟

林壽椿曰春林先世海昌人嘉慶戊辰入平湖籍補博士弟子員學詩于水雅山徐雪廬兩先生學乃益進

登岱

石室陰霾鬱不開千年雲氣接蓬萊  
天圍地勢中原盡雨挾雷聲下界來  
自古蒼龍宗四嶽至今黃帝賸孤臺  
亭亭澗底青松樹誰是秦封梁棟材

訪丁半閒丈

曙英

一雨忽開霽數聲何處蟬閒雲青嶂外  
老屋古城邊野樹澹秋影夕陽生  
渚煙幽人方睡足松響入琴絃

徐

軹字簞嶠號雲匯平湖諸生著鐵匏樓詩二卷

吳榕序略簞嶠豐才齋遇飢驅出門幽憂不怡韻思彌苦緝雅堂詩話簞嶠佳句有花氣撲人如中酒竹陰滿地不關門頗爲人傳誦

十杉亭

復到水西隄夕陽空滿庭撥雲拖竹杖剝蘚讀碑銘清磬穿  
林近秋杉特地青風流耆舊盡寂寞戶雙扃

壬辰上巳同吳虹舟

榕郭稻菽人本

嘉興馮劫仙僑吳

霞村

鈴

東湖修禊

沿隄垂柳碧絲絲誰倚東風唱柳枝香影迷離煙景麗教人  
惜取少年時

年來多病復多愁老大頭顱感昔遊中酒情懷無一可橫吹  
鐵笛上高樓

紀

峻

字鐵山號石溪烏程諸生箸小蓬萊詩一卷

感夢

孔懷賡兄弟取譬肉與骨末俗薄本根何殊吳與越不思有

生初同氣本一脈嗟哉我弱弟孝友性所發生前多自奇死後更咄咄我遭二豎崇一病五閱月投藥病轉深奄奄息如髮三更不成寐孤燈半明滅見弟若平生欲語先嗚咽為言親年高不堪再顛蹶勿藥當有喜此義見周易萬一誤庸醫空作溝中瘠悽悽聽斯言恍惚記一一尋思頗足異強謝參與尤氣靜體以舒神充心自適病起出戶庭報慰臨其穴弟言猶在耳弟容不可即何如夢寐中暫可依魂魄含淚誌數行松楸愉斜日

姚文泰

字鎮卿號荃汀廩子歸安貢生著蕉綠映書齋稿雙谿漁唱集

論詩雜賦

雙林詩人勝朝有張蕓坡

潤

國初有沈雪樵

祖孝

尚矣近自沈蓉鄉侍御

懋華

沈泊邨太守

瀾

茅湘客

學博應奎及孫遂初明經培沈彞拙文學三秀諸老

輩相繼徂謝後生小子有舉其名而不知者感慨之

餘賦此紀之

坡老傳詩是也非鴻墩遺集識應希誰知太守徵文獻五馬

親來扣竹扉

張居鴻墩卽以名其集入邱大祐樂天鄉社勞太守府志出其手又少時夢東坡授以詩法故

號夢坡詳見都南濠詩話

名重詞場沈雪樵果然屈宋祖風騷石頭又見降幡豎晦迹

何辭賣卜勞

沈爲何山司寇猶子入江南鉅公之門晚寓烏戍賣卜以給

宗工哲匠典型存前數蓉鄉後泊邨一自傳衣經指點辦香

不惜奉蘇門

泊邨太守遂初明經俱出蓉鄉侍御之門記丁丑春太守南旋留命余受詩法于遂初卽蘇門

也

梁苑過歸鬢有霜列卿子弟半門牆忘年廿載投鄉社競鑄



黃金老石塘文學號石塘舊客商鄉家辛酉陂歸里與先子結花月社晚歲復同小子倡和從游甚眾

真訣自從茅氏得太白論詩三子忝齊名海流萬派原歸一

畢竟才華敵兩京余因文學明經兩先生復受業博士門時借游者為凌子薌萃俞子散仙一時忝齊

名之

雅雨憐才到散仙盧離使紅橋修禊詩和者徧大薌萃風調

更翩翩薌萃金陵懷古諸什余獨愛何期燕子飛來日即

嗟振笛先倫譜吾黨還來沈下賢沈問莊先受詩法于凌子後始同余從明經游

章三曾字省堂號春山歸安諸生

和吳萍香表叔惇裕堂賞菊詩四十韻

愛菊心成癖逢秋氣更豪清風人憶晉嘉卉種貽陶北牖依

修竹西溪接遠皋餐英聞益壽時圃敢言勞質本齊荃蕙珍

元別艾蒿繡堆奚羨鄂繒裂豈因裋菰簇紅羅織枝纏紫綬

條丰姿吟絮謝容色浣花濤護彼春華麗輸渠晚節高列屏  
綃作障扶幹錦爲綯爽籟襟堪滌懽顏鬢莫搔經時仍絢爛  
應候足嬉敖憶昔瓶恆挈惟余手自操灌來泉似醴熏以土  
如膏擢穎香招蝶培根蠹去蠟傲霜眞獨秀當戶那須薜寂  
寞耽幽賞飄零切遠忉益疊隨位置簾幕儘周遭有客曾吹  
帽何人共漱醪興酣思益淡談洽響無囂佩綴丹萸實盤登  
赤棗饒飲誇餘勇賈歌謝大絃嘈小摘頭宜插遺簪袖欲韜  
素應欺野褐黃可關宮袍遲我同遊侶伊誰著作曹簡披蘇  
氏賦辭誦楚臣騷佳味空思膾新腴且擘螯閒房曾署額余案  
有淡菊山房末座許推髻詩假銜杯促人休託醉逃蘭言期合吳  
茗戰豈辭麤鉅筆能扛鼎雄詞足負鰲闕分題互構縞贈句  
重叨擊鉢傳魚繭撚鬚拂兔毫驪探誰最捷獺祭弗嫌饗笑

口娛觴詠交情邁李桃  
醉酬知未倦嘯傲敢云  
佻影落霞千幅波浮月  
一篙酒闌還才于吟罷  
尙翔翺漁唱賡村笛梵  
音雜院璫重攜偕泛宅  
不借志和舸

傅德潤

字又康山陰諸生

六紅詩話又康不以詩名然佳句如落葉云煙林缺處  
窺天小庭樹空來受月多夜過皋步云雙槳白翻波面  
月一鎗紅上酒家樓皆不愧宋人吐屬

乘湖有作

一篙新漲碧瑤璃  
順水行舟似馬馳  
寄語舟人休快意  
須知潮落逆行時

婁承雲

字達夫號寢生別號夕陽會稽諸生著雜助詩草內編四卷

邵賢序略寢生生平重意氣輕富貴與論時事激昂慷慨如劉越石陳同甫一流所謂奇人也余在京師識其窮與之交後遇于武林方雪衣單絺襲蔽袪跋破履攜其詩岸然顧余曰君視余詩較在京時何如余飲之酒

則倚酒自歌其詩盛氣跳盪汗  
潞潞溢于額見者莫不驚異云  
楊芳繁曰清才罪豔雪孤衷瑩元冰擬之唐人當在元  
英太碧之閒在宋則永嘉四靈之外罕與爲儔詩中逸  
品也

### 晚步蘇堤

漁艇歸磯僧閉寮夕煙如帶束山腰御風覓句不知遠一路  
聽鐘過六橋

### 寄沈亦園

怕說出門苦恐生歧路悲大江下秋水明月望南陂雁背霜  
歸早梅衝雪放遲寂寥三月別何以慰相思

### 留別計漁溪秀才

十年三聚散何以報知音聊借醪醕酒一杯盟素心柳牽游  
子恨花索故人吟留語雙湖社蓮塘約再尋

哭李雪帆

腸斷西風旅雁天他鄉生死各潸然招魂關塞三千里惜別

風霜十二年短劍難為知己賴殘詩賴有故人傳自注邵蕉雪記其舊

句入詩話何時白鶴歸華表夜夜家山泣杜鵑

陶

璜

字效佐號澹山會稽人著效堂遺藁

遙情集陶澹山詩格深有得於杜陵五七言律尤工於起調警拔而不寒瘦

登固始城樓

黃葉捲離愁蕭蕭獨倚樓鳥飛雲共遠霜白月全秋三楚分

煙外長淮走樹頭蒼茫撫身世何處覓扁舟

陳

鑒

字玉山黃巖廩生箸錯庵詩存

黃如憲序畧玉山天才亮特睥睨一切旗亭酒肆把酒聯吟有雲龍追逐之想

秋日遊峰門山寺

古寺無人到尋幽入翠微山空桑葉冷秋老豆花肥石徑磨  
僧屐寒泉沁客衣欲偕禪侶隱結習共忘歸

殿橋懷古

古廟臨煙渚先人此隱居門橫一溪水家種半園蔬蜀棧雲  
深處吳江葉落初滄桑留故址好認舊鄉閭

天台山紀遊

一朵蓮花吹不去隨風化作天台山亭亭矗立一萬八千丈  
八瓣撐拄紅雲邊上有蒼蒼正色之長天下有猗儺八百而  
句連千層萬疊聳碧浪浪花捲出青鼉顛巨靈鼉屨戴不起  
五丁鑿破花心穿謝公蠟屐不到此惟有興公作賦智者結  
茅於其閒山鬼獨腳不敢跳蝮蛇蟄伏如蚰蜒恨我欲上華  
峯頂蹉跎已隔二十年時來八月秋濤壯涼意透入仙骨寒

舉手直欲捧紅日銀河奔瀉落九天降魔塔圯經臺變蒲牢  
紐絕獅子眠大塊噫氣倏忽作蹲石四顧心茫然佛亦未見  
佛仙亦未見仙但見幽壑茅庵數十所不與人世同寒暄西  
過疊嶂有鳥道古木蔥蒨莎芊縣危厓拍手二分足石梁深  
險飛紅泉文璣蒼玉競噴薄半空雷雨喧寒淵攀藤直過蓋  
竹洞簾影碎激珍珠圓曾記斷橋積雪三百丈不許劉阮再  
訪桃花源何況世人乏仙骨妄思笑拍洪崖肩但見瓊樓玉  
宇雙闕上高挂明月照見人影皆娟娟又見清溪雁草數行  
字字字篆入尺五雲藍牋一夜飛度關山邊塞去鄉書萬里  
許爲征人傳安得豪情奇氣若太白日日斗酒揮寫詩百篇  
安得一曲長聽廣陵散人間不絕古調青琴絃何如肩背萬  
斛香杭米更有腰纏十萬青銅錢一切排列金粟如來前供

養我佛弟子齊交歡滿口稱頌居士賢左提雲霧著右挈竹  
筓泉蟹眼魚眼活火煎沁入齒牙清肺肝十萬八千煩惱齊  
棄捐高談微妙禪理元又元一草一木印證前身緣

曹宗熙

字敬侯號止園蘭溪人  
著景行軒詩鈔四卷

董長庚跋略先生余父同庚友品端重性閒適澹泊  
安靜視名利晏如也好吟詩長篇短什藝林傳誦  
鄭風跋略止園詩貴渾融不喜雕琢務沈刻  
不尚纖新好爲淡遠清微不屑屑於艷豔

春居卽事

憑徧闌干酒未消頽然和醉面芳郊漁人剪竹支新網燕子  
銜泥補舊巢梅晚尙飛紅雪片柳晴初放碧煙梢及時田事  
須勤力休向南山計瘠饒

舟行七里瀟

破曉移舟七里程江燈如向鏡中行數聲幽鳥不知處兩岸



好山難問名雲腳樹遮村屋小船脣風散浪花輕何人得似  
羊裘者一片靈巖萬古情

白杜鵑花

花枝楚楚影依依那得餘香到客衣故國路遙嘸血盡月明  
猶帶曉霜飛

曹宗勳

字友山號贊翁宗熙弟

縣志宗勳好讀書不屑舉子業以賦詩爲樂遊三衢吳越閒所至率有題詠問文人詞客必持詩就正晚號贊翁嘗作說自嘲云性固迂疏寄懷林麓不讀不耕不漁不收年逾七旬徒糜陳粟碌碌是翁非贊何屬陳松齡曰友山之詩工於寫景集中多佳句如晚眺云風挾斷雲歸遠岫鳥隨殘照下平沙登江山大小尖云嵐影雨餘添畫意樹頭風過作潮聲宿棲真寺云風拂嶺雲翻石腳露零松月洗秋痕宿石竇淵云檻外泉聲寒瀉月樓頭縵影冷侵雲故可誦也

江頭贈別

幾年搖落客羶寒今日江頭始識韓勲業由來關學問功名  
豈必盡衣冠帆馳澤國雲山遠鶴唳高秋天地寬此去不愁  
無遇合馮君有劒莫輕彈

宿雲泉庵

在縣北三里許石壺澗有康熙間知縣閔本元碑記并題詠澗泉清美卽所謂北津第一

流也

假榻禪關遠俗氛寒鐙微爇酒微醺暫依淨土容持偈儻有  
幽人可論文檻外泉聲寒瀉月樓頭巒影冷侵雲無端梵唄  
來何處颯颯松濤隔岸聞

春暮紀遊

寺古山深一徑通禪關幽寂白雲封寒泉瀉碧穿危石老樹  
橫青礙遠峯卻憶甘棠遺舊詠愧無佳句寫高蹤坐來竹閣  
心閒甚欲返前溪意已慵

瞿霽春

字柳隄樂清諸生

縣志霽春性情高曠善談論能書畫尤工詩著有朗齋  
小草不下千餘篇身後散佚殆盡佳句如立春云春回  
巖谷青無迹波泛澄江綠有痕游梅溪書院云一榻琴  
聲簾外轉半牆花影月中尊閑居云蕉蔕碧落新涼影  
花釀紅泉夜雨痕贈友云一庭黃葉修山史十里紅蓮  
放釣船鄉思云綠柳亭中千里笛丹楓江上夕陽樓寄  
友云松窗煮茗香泉碧芸閣  
彈棋夜火紅頗有瀟灑之致

秋思次友人韻

露冷蘋洲下釣遲前身應是白雲司別人燕去新秋後警夢  
鴻歸落月時古岸楓林霜意重空山桐葉雨聲悲登高無限  
凌雲思欲寫花箋寄鳳池

張應昌

字仲甫號寄庵歸安人錢塘籍嘉慶庚午舉人官內閣中書著詩集

魏謙升序畧先生輯春秋屬詞同辨例編若干卷以春秋  
書法必聯屬其辭排比其事乃仿前人沈文伯趙東山  
毛西河方望溪顧震滄之書八門合類集其大成提綱  
彙目至于一事一字亦悉采四水說經文句字無不顯之

義焉又輯

國朝詩二編一日

國朝詩鐸采有裨于吏治民風人心世教之作一日

國朝正氣集則皆詠歌忠孝節義之事也

丁丙曰仲甫丈為蘭渚侍郎次子孝友恂謹舉止若寒

素二十一日舉省試入資為內閣中書旋引疾歸鍵戶著

述嘗采漢唐迄恭繕清本同里夏宮詹同善朱通政智許鴻臚庚身為

旨褒獎有耆年好學甚屬可嘉之

論又補正南北史識小錄二十八卷選

國朝詩鐸二十六卷尤工倚聲所著煙波漁唱郭頻伽磨

謂其絕去甜熟自標清綺主講蘇州平江書院者數年

晚通禪悅年六十餘猶步登陟光為詩紀

之同治庚午重宴鹿鳴年至八十有五

二月十七日詣艮山門外辯利院瞻禮大士畫相百餘

幀並讀魏春松丈用靜便齋乞吳甌亭施陳老蓮畫  
相元韻詩即次其韻  
驚峯大士靈應殊香市奔走越與吳豈知城東見妙勝千年

手筆傳形模臨江鄉人百八幅于今更益六十餘名藍春秋

二仲月高堂巨壁如雪糊鐘魚香鳴集梵唱優婆開士來于

于唐刻宋繪世固罕陳

老徐青金壽禹之

今亦無妙吉祥相

垂眉鬚瞿曇能仁而能儒

內典釋迦者能仁也亦能儒也

善財童子前拜趨

功德水灑楊枝孟多羅樹葉琉璃覆珊瑚幢蓋瓔珞敷青芙

蕖座白練襦狻猊師子馴與俱香煙騰起七寶鑪如花繚繞

雲游紆紺髮赤腳忽變相竹林巖石還結趺三十二應示西

竺五十三參誦南謨深心毫素契如如合十讚歎羣歡呼一

切戾度五蘊除幻干手眼百億軀海潮音繞東皋廬有大光

明放神廚三塗八苦仰濟拔頂禮鎮海摩尼珠

九里松菩薩廟觀嘉熙元年周覺園石龕題名

九里蒼松無三尊古佛在六百年名存八十字塵浼香火荒

村稀姓氏小志采

艮山小志

拂拭綠莓苔溯洄功德海

送林少穆制府謫戍西陲

森森千丈松霜雪愈蒼翠錚錚百鍊剛  
鑒鑒愈精粹艱貞之明明益光退思之忠忠彌彰  
古來良臣作遷客聲聞乃更過於雲臺麟閣之裒揚  
君不見元和節度管樂儔一朝淪落居崖州  
西川南詔樹偉業至今人說籌邊樓又不見端明殿中  
蘇學士思廉瓊儋遭轉徙八百年來海外人家一  
殘寒泉祀用之天下喜舍之天下哭人喜人哭匪以私祇爲長城一  
身屬名大垂宇宙名遠傳荒陬大名遠名皆不朽照耀萬里  
光千秋非常人有非常迹磨之愈堅涅愈白豈似容容坐嘯  
流無難無災叨鼎食君之秉心若春煦君之澤民若霖雨輕  
裘緩帶鎮襄陽芄黍甘棠誦江潯治

國如治農夫疇去其螟螣與賊蝥利害蒼生關大計艱難赤  
手運深籌持節旬宣控南越豫州慨擊中流楫兵甲羣驚小  
范胸笮耶咸論相如檄鯨鯨不敢縱狂瀾照海犀然膽自寒  
設險贊皇能築壘整兵羊侃不開關疆臣盡似公肝膽虬蟬  
大樹何能撼揖盜誰開申息門表忠空折承明檻  
朝廷威德要兼行臣罪原知負

聖明自譜昌黎美里操潮陽一表涕縱橫觀過知仁仰日月  
耿耿丹心懸魏闕被黜狼暉咎不辭防邊鄧訓功難沒獨憐  
遠度玉門關西望祁連行路難赤坂九迴身觸熱朔風千里  
雁吹寒雪山冰嶺連天擁馬耳埋尖駝背腫身伏甌廬火不  
溫口乾戈壁泉難涌朝有猛虎夕有長蛇牛羊羣飛狂風驚  
沙君之所仗祇忠信可以梯山棧谷通天涯酪漿羶肉耐飢

渴顧瞻北斗依

京華念君苦行役勸君銷煩憂邯鄲道上夢幻耳放懷且騁

逍遙遊伊吾烏孫漢樓櫓焉耆疏勒唐鉦鼓

哈密古依吾盧地伊犁漢時烏

孫國地見洪雅存先生乾隆府廳州縣志焉耆疏勒皆今吐魯番地見李中書先生歷代地理韻編今釋天開地

關入輿圖蠟塞狼隄認庭戶征人弔月受降城猛士歌風都

護府懷古心情出塞吟篇篇拍合涼州譜更有銀山十二排

插天萬丈琉璃匡中原無此境奇絕洗眼豈止雲水揩秋原

飛輕射生手蕃兒袴褶橫腰鞞箭沒寒雲落鷓鴣免葡萄酒美

等琵琶

雪山於烏魯木齊如琉璃插天於伊犁如銀山惠遠城多雉兔見西域圖見錄以此胸寥廓

聊解意離索願君保此柱石身莫凋盛顏且喜樂況乎名在

江淮河漢間作楫還看濟巨川

敕書他日貽楊僕台輔



中朝待呂端黃鵠飛還鷺羽翼金雞迅下指刀環國人望君  
如歲如父母矧我與君契分同金蘭悽悽復惻惻思君情無  
極隨時愛景光努力崇明德河陽攜手淚如縻夢魂隨逐蒨  
嶺西歸來一舸五湖待騎驢共踏蘇白隄

題明甲申浙中死事七君子尺牘墨蹟冊次梅村先生

登數峯閣禮六君子詩韻華亭王儼齋司農鴻緒修

甲申北都之難凡七君子簡牘裝爲二冊蓋於孤山  
所記六君子以外增一俞侍御諱志虞也儼齋各題

一贊此冊全藏  
家叔未解元處

孤忠標峻數峯秋恰似孤山砥碧流生氣猶瞻遺像笏層楹

已換舊時樓數峯閣在六一泉側久圯而塑像具存近人重  
葺平櫺修整遺像奉祀奕奕如生惜屋甚卑隘

墨牋燄燭三千丈斗數輝增十一州何日聖湖祠碣整請移

名筆鎮山邱吳農祥登數峯閣禮六公詩自注閣爲先公同  
漳浦黃公所建冊中儼齋贊云忠端有碣吳山

有亭忠端卽石齋先生也今亭獨俱無存

春秋屬辭辨例編刊成漫題

炎夏紗幘冬燭檠消磨歲月卅年更平反古獄真多事漫對前儒說集成

千秋萬歲待傳誰豈若高歌飲酒爲用梁蕭萬卷好書皆束閣專門誤徑悔何追

自題 國朝詩鐸

吾儒吐言辭於世期有濟豈徒累篇牘月露風雲字樂府愛香山陳事比賈誼詩史稱少陵三別與三吏文昌仲初雋歌行亦其類上德宣忠孝下情通諷刺聞者足警戒言者無罪戾箴誦師矇職興觀懲勸義

聖代求昌言交儆勵圖治咨諏拾闕遺拜獻補偏敝惜哉充

棟編紛若散珠碎不免聞見遺曷資韋弦佩披揀集眾益民生暨吏事以充銘座詞以爲采風備

自題 國朝詩正氣集

忠孝節義事史傳志乘詳詠歎興感易重此歌詩章所以載筆者聯珠標羣芳英辭鼓正氣豈惟闡幽光往古難盡數斷自今

虞唐

醇化二百載盛碑碣祠坊但計歌詩篇萬首羅琳琅所見擇尤雅闕者待補亡一讀一擊節其氣至大剛比日星河嶽如芝蘭鸞鳳教庠塾婦孺播梵絃宮商油然孝弟生幡然頑懦良勝彼志傳文長吟沁肝腸願傳萬本讀振世扶綱常

過湖上萬冢悲賦

齒豁欣蒙掩形骸慘不分一抔同混沌萬鬼雜紛紜義骨成  
京觀寒燐結暮雲那堪仙佛地罹此劫灰焚

宋塔殘陵寢秦臺聳觸體豈知仁政澤慈卹義民憐恨乏山  
陰客能分涇渭流古今千載事涕淚滿杭州

胡元果

字應元號秋白錢塘人嘉慶庚午舉人官嘉興教諭

杭郡詩三輯秋白與琴鳴梅史小湖積堂讀書清  
平山有小園樂室讀書圖同族書農學士爲之記  
緝雅堂詩話秋白五言詩如燒燭初行酒觀書勝看花  
春好逢年少愁多共雨長七言詩如花底六更人未醒  
柳邊三起客初歸牧之禪榻添春夢白  
也詩囊載酒愁吐詞間秀不愧才人

### 夏夜山庵小集

連宵風雨聲攪我詩夢破暮色連海氣經宿勢更大故人如  
明月有約一時過清光照簾櫳疏影竹幾個草閒露蛩聲如  
與客倡和雅澹栗里陶疏狂鑑湖賀愧我享帚珍不啻籠百

貨一望偏師降精銳氣已挫佳話遠公室吟箋濫傳播燭炮  
酒未醒冷抱江月臥

拂塵庵古樸行

讀書青豆房一椽占山麓有樹獨當門半空團古綠孤根圻  
厚地高幹塞左蠹枝蟠氣偃蹇皮裂病皴瘃山僧爲指點云  
是宋時樸當時通越門雉堞鳳山足相去一雞飛涼陰罩輦  
轂紅羊劫火餘荒煙付樵牧官鴉曉晚霜曾來枝上宿閱世  
已千秋年華如轉燭沈沈江光涵鬱鬱秋氣蓄誰能縱斧斤  
詎許藏虺螭愛爾北窗風午餘清睡熟

吳鉛孫

字秉初號語石仁和人嘉慶庚午舉人著語石山房吟稿

吳振械傳畧語石族叔性謹慈臨財尤介然無所苟家  
素貧爲人所質庫以其暇日致力于古中年卒後科名  
而于詩尤所耽嗜沈沈梅村赤然老詩人也見其詩大欣  
賞因訂爲吟侶酬唱不輟嘗念吾先世文肅公竹洲集

世少傳本重付剞劂又取文肅以下二十餘世族  
人之詩彙編刊行名竹洲秀衍集續集共八卷

車水行和沈梅村先生

淫雨十日下不休汪洋一望平田疇厭厭新苗沒水底蓂莢  
老農愁復愁沒一日兮苗已萎沒三日兮苗卽死喚子姓兮  
召鄰里速出田間三尺水桔槔兮高高轆轤轉運兮聲嘈嘈  
兩腳皸瘃皮毛焦白龍天矯噴銀濤孟有肥牡盆有酒典質  
衣衫酬我友救此青青苗十畝君不見東鄰有人跣雙足稱  
貸無門往而復終日對苗掩面哭

雪後集鄭景輿時松小圃

橫橋棲隱者終歲帶經鋤雨洗當階草風翻在案書林泉供  
嘯傲事業付樵漁一角西山色拖青直到廬

主人饒雅意邀我坐茅堂殘雪積叢樹枯藤罨短牆竹籬編

鹿眼花砌繞羊腸醉後清吟續追蹤詩酒場

周光霽

字惟和號味庵仁和人嘉慶庚午舉人簪翠鯨集

府志光霽所作培樓寒夢愁鵝甘蔗諸賦深具唐人風格駢體文亦蕭疎而能澤千古惜奔走南北稿多散佚

桐江舟中讀李長源詩

平晉先生一代手當時勁抵唯遺山選家迷昧少決擇遂至  
窺豹無全斑汴京陳倉四五作零珪碎璧埋荒菅情詞懷壯  
聳觀聽使我再讀垂漣漣憶昔梁秦恣遊歷故人相送臨河  
灣西南兵氣照烽火東北客路馳開關短衣匹馬竟辭去但  
留蟲雁哀人寰昆陽置酒此日醉新亭灑涕何時還腰邊青  
龍射雙月勳業待與臨淮班豈料才高必見殺紫蘭彫敗秋  
風閒秦坑再起禍何烈劉山不得歸優閒太白流離幸未死  
子荆擯斥曾非艱可堪橫貫遘陽九舊文編輯誰容刪篷窗

悶坐把君句妙意實足感豔頑欲敲山石借叢竹西臺流水  
方潺湲

陳

均

字受笙海甯人嘉慶庚午舉人教習知縣著松籟閣詩集

曾煥序畧陳孝廉受笙遇益困詩益工吾嘗取而讀之  
妍昏練爽飲真茹強內無乏書外無遺物橫埽諸軍不  
見其敵抗懷往

哲乃與爲徒

楊芳燦跋畧驅山走海之才拔地倚天之筆繼幽鑿險  
之思透空碎遠之響初讀之令人神蓋形茹再讀之不  
覺揚揚衡起舞擊節稱快關隴僕舊游地風沙蒼莽山谷  
阻絕卷中可喜可愕之境君之所歷半僕之所經也複  
息其開二十餘年不能得一奇語山川

不負僕僕自負之三復新篇寸心滋愧

又選樓筆詔受笙詩如鼎鐘出土一經洗剔活翠斑斕  
又如古屏風黃筌花鳥簇簇射目關隴之詩更得山川  
之助雄厚峭拔迥越伍蹊四六文亦於六

朝初遇之聞得其氣息真才人之筆也

法式善曰作詩如史才學識三者須兼之流連光景豈  
稱作者杭州陳孝廉受笙天姿高邁又復沈酣史集歷  
覽山川故其詩雄悍抹界別開生  
面游山懷古諸篇幾于一時無兩



吳振棣曰受筌弱冠後客京師卽與何蘭士伊墨卿張  
船山諸先生往還贈答會馬秋藥太常視學秦中邀與  
偕行歷雍涼之勝詩益工阮芸臺題贈有合將畫筆兼  
詩筆直寫杭州到華州之句尤喜金石文字旁按遠紹  
博覽閎通足與翁宜泉趙晉齋張叔未相匹其畫法師  
奚鐵生名在法時帆祭酒所品十六畫人之列年甫五  
十遽以疾卒

彈箏峽

秦王逐客輕秦聲蒙恬坐老防胡城哀絃高張十二柱山下  
流泉學箏語流泉今古聲鏗鏘道旁但送征人行征人怕出  
蕭關去石上箏聲留不住朝聞箏聲愁斷雁嗷霜秋暮聞箏  
聲泣嘯猿攀竹裂嘯猿斷雁塞上多夢中聽唱羅敷歌歌聲  
未歇客催發馬嘯踏碎谿中月

李獻吉故里

自注安化縣

抗疏糾豪亦可憐文章畢竟冠諸賢中官何意哀陳實天子

猶能赦鮑宣太白雲煙荒舊社繁臺游獵過餘年當時意氣  
傾流輩老去空成郁郢篇

康對山故里

不避貂璫竟獨行故人情重一官輕膺滂苦自爭門戶嵇呂  
眞能共死生千里關河迷錦巷十年絲竹老蕪城平生長物  
惟腰鼓好箸岑牟奏幾聲

郭有道墓古槐歌

大樹將顛漢社朽一繩之維在公手千年奇氣徹九泉化作  
高槐庇邱首喬柯鬱鬱清風多汾流下澄千頃波不生朝市  
生巖阿斧斤雖眾如爾何陰陽回幹入太古下蔭千車無漏  
雨虬枝欲壓平輿龍怒氣全消賈彪虎黃門虐燄薰天來甘  
陵峻節同摧頽范滂空擇埋骨地首陽乃在茲山隈東都茅

田一頃黑殿前老槐夜倒植懸金購黨黨已窮欲樹奇材難  
再得卽今勁幹撐蕭森山中惡木難連陰人倫之師不復作  
清流有恨誰知心中郎碑字嗟重斲文好亦須三日讀寒蟬  
細曳雨聲來聊學先生巾墊角

里下車

里下車里長輪縣官徵役朝下符打門火急聞追呼富者賄  
吏免貧者膏轄趨無馬代以牛有車還出夫炎風吹塵日炙  
膚車不能進人挽驅別有香車牛並馱負重上坂行踟躕石  
棱一蹶兩轅折牛蹶脫落踣路隅長官怒牛鞭鄉奴鄉奴長  
跪願受扑但求稍緩牛須與死牛可奉候館肉生牛留辦官  
家租

劉樸石編修

彬華

假榻越華書院賦此奉答

假得方牀近水眠，藕花香到枕函邊。  
學書新買三錢筆，病渴初嘗九眼泉。  
風卷池光天半席，雲移秋影月初弦。  
一樽椰酒拌同醉，況有長卿句似仙。

庚辰除夕阮制府師刻江蘇詩徵成以酒脯祭之，命諸友賦詩分體得七古。

閨仙祭詩成舊例，詩人用事須新意。  
拈毫同抱傳世心，握槩誰爲昔賢計。  
儀徵夫子扶雅輪，愛古猶復憐今人。  
輜軒淮海昔採錄，約略已盡江南春。  
大江奇氣到海止，築閣徵詩若觀水。  
詩徵閣在焦山一輩人材剩苦心，百年桑梓成知己。  
作者四千詩萬篇，百部捧到南海邊。  
珊瑚翡翠共一網，奇光上燭朱明天。  
朱明天高南斗上，除夕萬花紅並放。  
花前壽以金屈卮，卷裏騷情一時壯。  
我聞俠君選詩聚元代，門外衣冠來百輩。  
又聞

子晉秘函珍放翁夢中精爽猶能通一編賞到酸鹹外地下  
人應感嘉惠此日書隨翠鼎藏會以定陶喻廩他年人鑄黃  
金拜

楊忠介公爵墓

嗚呼楊御史使楚歸來救赤子直言頗亦蒙溫旨九重閉戶  
談虛無再來不見天顏矣老狐一嘯羣狐喜賀雪賀雲諛滿  
紙餓屍滿路旱魃跳且築高臺禮方士時無諫者諫必誅如  
公孤憤何能已明知國病不可醫臣所當言且言耳一身九  
死死復生百姓可生公願死嗚呼叶中惜公冤火中呼公字  
當時天下知孤忠君悟翻憑神與鬼劉工部周給事獄中著  
經樂何似周主事清御史救公而死眞知己七年先後垂斃  
身豈料重歸見鄉里傷心國事伊何底大烏初來白雲裏惜

哉世廟竟無人不識三生楊伯起

公沒時亦有大鳥至

徐善遷

字楚畹海甯人嘉慶庚午舉人官天台訓導

錢泰吉曰楚畹以星平游食數十年高談絕論傾其座人所為諧謔之詩多在人口及司訓天台恒苦束縛然

當官甚謹不問外事

談藝之暇飲酒而已

杭郡詩三輯蘭圃詩少學何李不為近語見知於吳白

華總憲學益進七言如觀海云千年鞭石終沈海八月

乘槎不到天送孫桐華云飢來驅我甯論命壯不如人

且讀書尤工倚聲有楚畹詩餘陳晴巖太史選入桐花

詞中歲暮有作

持杯不飲問蒼天酒後狂歌氣浩然富貴尙餘詩卷在英雄

何取俗人憐憑教鄉曲輕周處未合諸生老服虔取次唾壺

敲又缺那愁負郭少良田

沈

濤

原名爾政字西雍號匏廬嘉興人嘉慶庚午舉人官福建興泉永道箸匏廬集

府志清幼有神童稱未冠領鄉薦令如皋擢守燕北各  
郡有政聲報最以觀察發江西歷署鹽法糧儲會粵事  
棘隨巡撫張芾嬰城固守四十九日解圍後授興泉永  
道未到官改江蘇旋卒生平學尚考訂兼嗜金石賞鑒  
所得輒繪圖徵

詩倡和成帙

緝雅堂詩話西雍爲考訂之學兼嗜金石所著論語孔  
注辨僞潘文勤公已刻入功順堂叢書常山貞石志豐  
湖書藏有戲本說文古本考十四卷客吳隨筆一卷未  
刻銅熨斗齋隨筆交翠軒筆記均記事簡核稱斯雅才

微雨游虎邱

典卻春衫醉不辭薄寒天氣釀花時靈旗風緊眞娘暮暮雨  
人歸短簿祠去盡畫船何太急拋來紅豆最相思衣香鬢影  
闌珊甚賸有新愁上柳枝

澄江秋夜

殘漏咽餘響斷風搖曳之愁懷添夜永病骨與秋支仄月墜  
半壁幽蟲絡一絲此時孤絕意唯有短檠知

莊仲方

字芝階秀水人嘉慶庚午舉人官中書科中書

東軒吟社圖小傳芝階少好學歷老不倦潛干名利不求仕進讀書務樸學未屑以詞章馳聲譽也曾主駕湖書院講席所技多知名士著有碧血錄金文選南宋文選映雪齋文鈔古文練要各如干卷許善長曰芝階先生余外大父也著述闕富自碧血錄映雪齋詩文若干卷已刊行兵燹版片盡燬緝雅堂詩話莊氏所編南宋文範采擇精審足儷文鑑觀其卷首于賢姦進退政事得失之故最所用心可云高識當時人才至盛而吾粵僅載李文溪一疏拾鸞片羽可勝太息

嗟哉兩賢婦爲陳烈婦作

鼠穿人共傷狙詐誰復雪嗟哉兩賢婦志氣何激烈人生思苟活阿徇近容悅熊魚勢難兼取舍理所決古稱南山鳥網羅徒橫設亦聞東海禽木石不暫輟卽此憤冤情何必杜鵑血斯皆大義明卓爲女中傑呵筆賦短章寒風正凜冽春日汪小米招集水北樓分韻得臨字



正逢花發去年林，恰喜登樓豁素襟。  
春水綠添蘋葉長，初陽紅入柳條深。  
爭言裙屐於斯盛，留取丹青異日臨。  
勝地無多同調少，高談何遽不娛心。

夏松如招集濃華書屋

春光潑眼過如馳，銷夏筵前酒一卮。  
境換鶯花猶似昨，廚開櫻筍此其時。  
鈍吟我愧蘇明允，夙藻君同杜牧之。  
作者七人皆妙手，珠中魚目混應嗤。

張心淵

字達泉，嘉善人。嘉慶庚午舉人，官江蘇邳州知州。嘗賦望齋詩稿。

嬰鳴館雜綴先生素以書名，片紙隻字，嗜書家咸珍如鴻寶。自錄脈望詩，高作俱佳，尤爲士林所重。

寄遠

楊柳已如此，征人猶未回。  
遙憐邊地月，曾照去時杯。  
舊夢三春雨，新情一寸灰。  
不如南去雁，雙影尙徘徊。

秋懷

莫將幽怨訴秋風  
雲影無心夕照空  
萬籟商聲催蟋蟀  
一天涼思在梧桐  
未舒蕉葉時抽綠  
欲放棠花半著紅  
獨有愁懷吟不得  
月明深院下簾櫳

桐葉初飛上畫闌  
涼宵獨坐怯衣單  
人居客館眠常早  
詩寄閒情寫最難  
明月半規遮翠幙  
微風一陣退羅紈  
悲秋怕讀離騷賦  
猶恐愁成兩鬢添

潘

棟 字深泉嘉善人嘉慶庚午舉人著盟鵠館詩集

雨中歸舟

湖光如練復如綃  
煙景淒迷一舸遙  
淺暝輕寒雙碧袖  
斷雲零雨小紅橋  
瓊簫按拍聲聲咽  
銀燭飛花寸寸消  
流水無情流竟遠  
他生今世兩迢迢

宿村中聞絡緯

松毛棚矮逗微涼一樹疏桐漏月光寂寞牆陰籬豆紫悽迷  
階礎蘚花香燈檠颭鏗搖雙穗泥壁支機咽九張聽到夜深  
人不寐朗吟倚枕答寒螿

沈

潮一名炳垣字魚門號曉滄桐鄉人嘉慶庚午舉

縣志潮人官江蘇松江府海防同知著勲硯山房詩鈔  
知督部陶樹林則徐初權婁縣事聽訟不輕敲扑與兩  
造言如家人各得其情以去時方興蘇松水利邑西北  
蒲匯塘淤墊入鄰縣奉檄起夫潮慮七寶一帶地瘠民  
避役獨捐作雇募工先成且稱最踰年受代去民為撫  
酒果走送咸謂近數十年聞見所未有也旋擢松江府  
防同知後以母疾  
乞歸遂不復出

述懷寄朱虹舫

方增編修

黃鵠垂大翼萬里爭翱翔罡風忽吹下鸚鵡笑其旁青雲夙  
所願鍛羽神徬徨巢居鬱寡歡日伍鶩與鷁東海有威鳳文

采輝明堂駕言從之游邂逅梧桐岡策我登霄路羽毛森開  
張平生飛鳴志豈屑謀稻梁舉首望天外霄漢何青蒼願謁  
鸞輪去偕君遊朝陽

七夕丹陽道中

水國西風緊飄然秋思生帆開揚子驛潮落呂蒙城百感孤  
舟客雙星永夜情轉憐倦游者何事獨長征

周聯奎

字聚之號草亭烏程人嘉慶庚午舉人官奉化教諭著桐華館詩集

定香亭筆談烏程周中孚博聞強記而文筆甚拙其弟聯奎能詩文而疏于經術然亦可謂二難矣

奚疑曰草亭詩卷頗富奉化小警抑鬱以終故人顏笑無從再晤矣

碧瀾堂懷杜牧之

小杜昔游處空堂榜碧瀾水嬉春色盡禪榻鬢絲殘十載人  
重到三生指一彈清徽今寂寞風月共誰看

雪後西崦探梅

東風知我意朝來翻雪汁十里望西崦空翠片帆溼到岸澗  
聲殷覓徑山風襲梅花如故人一見豁愁悵雲生枝半敲露  
重香微挹彷彿湘女靈含顰蛟背立宿鳥曉復飛殘英灑圓  
笠疏鐘出荒藍古苔被原隰踟月期重來莫辭雙屐澀

贈汪研君

承禧

金石趙明誠才華陸士衡不將身傲世直與古爭名野寺捫  
碑讀孤篷載酒行旅懷消未得應憶鷺鷥盟

之子情何限桃花潭水深雲籠四方蹟車笠百年心每作山  
陰扇新題漢上襟春光容易過莫漫惜登臨

周

鏐

榜名霖字榮金號蓉裳烏程人嘉慶庚午舉人官安徽舒城知縣

河開道中

春風吹盡雨煙昏劇喜長途曉旭溫草色青沿浮鳴港桃花  
紅入飯牛村酒帘斜拂車當戶野店爭呼客到門好趁平沙  
驅馬去一鞭輕送淺莎痕

邵

謹字容復號賢霞歸安人嘉慶庚午  
舉人著揖石山房蕉蒲山房詩存

九日遣懷十首

一年風雨無時無扣門幸少吏催租鹿麋未詠腸先枯痛飲  
狂歌碎唾壺舉頭大笑天模糊

投壺六博若爲歡拔劍起舞非無端不須星命占天官芒屨  
竹杖不負汝西山秀色朝可餐

彼哉意氣號無匹青雲一登萬念畢前刃犯難處錚逸無用  
之用藏於密不見大衍虛其一

西湖水碧不動塵落花浮香覆紫鱗朱蕘碧瓦中藏春飢來

驅我避逡巡短衣破帽患有身

前與東博滄洲暨諸同好約舉西湖吟社擬爲積南屏倡

和集今諸人雲散恐未能踐詩以誌之

故人接踵登承明我將負纔劇黃精青山萬疊腰腳輕忽見

珠樹環層城揮手一笑謝公卿

世間萬事亦何有端木貨殖命不受去從醫翁與箴叟十一

方營劉伯龍有鬼撫掌笑其後

悲來撫劍讀青史古今得喪皆如此隆準不死天幸耳英雄

蓋世戰不利酒酣痛哭重瞳子

世事參差一偶萬黃楊戾閭爭尺寸舉而筮之得肥遯

友人爲

余以周易筮者得遯之上九肥遯之占先告之矣

吁嗟伏櫪志飛騰廉將軍老猶髭

飯

蕭條一室世所棄昔以爲屢今爲蕢側足屏息不敢咳有客

剝啄來何事請君且去吾欲睡  
前飛丹鳳後黃鵠同心離居鳴局促生世不諧碎其玉周游  
八極願從君萬里共騁追風足

都下晤高已生屬題南河送別圖時予將南轅卽以留  
別

黃塵潏潏風拍天羲和白日無停鞭君來吾去事反覆歸思  
頓落南湖邊南湖濫濫多芳草碧柳長隄青未了同作天涯  
襖被人故人相憶知多少今日觀君送別圖令吾逸興馳江  
湖故人送君君送我人生離別無時無故人送君坐無我憑  
闌應歎泥雙鵲回憶送我坐無君金臺預計杯同把此日相  
逢更相送狂歌須罄牀頭甕君作鵬鯢自有期吾生蕉鹿元  
無夢狂風怒逐元雲鋪舟車南朔何奔驅南湖高土方安枕



勞勞行役悲吾徒歸去重向南湖側  
息機須問仇池國故人  
載酒喜相從還在天南望天北

簡徐雪廬

吾愛雪廬叟持衡詩律精  
秋深盤鸚鵡老天迴落風清  
淮海三年客蘇韓一代名  
高彭豔豕突未敢撼長城

姚鏡塘先生招往陶然亭送秋歸復邀飲分韻得愁字  
欲問秋歸處江亭溯舊游  
西風原上草斜日戍邊樓  
尙有餘聲在蕭蕭蘆荻愁  
白雲空外靜搔首思悠悠

登峇峰

岸側溪邊十餘丈蒼茫獨立寒煙收  
培塿居然一方鎮松柏  
疑從遼古留節已殘春花盡未游  
多狂客佛安不他年卜築  
鄰脩竹滿眼蕭疏靜倚樓

白石城踰大竹下塔山鳴卽事

身逐鳥飛高仄徑步垂半我前碧嶂塞我後蒼崖斷蘚石繡  
元冰迴風翦枯幹搏空升無階棘蘿紛紫絆聯步接踵頂攝  
衣結骭骭高踞足憎繭小蹶背驚汗猛獸忽孤蹲薄命寄兩  
腕男兒盛意氣艱險故不憚重岡一憑凌放目得恣玩石城  
卓肉屏蒼弁齊眉案具區懸鏡明茗水驚龍竄其餘諸所見  
瑣屑不足算欲探天下奇豈得怯危難迤邐下遽谷循次成  
魚貫出險身始我歸路樵猶喚繁花自榮落習見誰云罕我  
欲室其中領此餘英粲陰森不可居遲迴去猶惋高歌行路  
難前途北斗璨

淞波客婁江歲晏當歸詩以望之

出門何所之中路行復休豈無平生親遠在婁江頭大火行

北陸江水日東流何不早歸來風雪滿汀洲

邵

崇

字芾林號珊海諱弟歸安人嘉慶庚午舉人著癩雲山莊詩鈔

湖州詩錄三編弼海婢雅通經史尤長散行文爲詩襟懷冲淡才識高曠亦足以傳

春日菁山常照寺讀書

東風牽我裾行行入古寺老松已成龍猶戀護法地傳聞宋南渡鑾輿倉卒至蛛網布叢菁胡虜返追騎昔是神龍潛今爲尺蠖寄我來登其巔悲涼多古意殘碣風雨侵斷續尙存字補壁看薜蘿卷幔落空翠小窗高臥涼華胥枕中祕招我故人來入林可把臂

謁于忠肅公祠

大同城外風雲惡蒙塵天子渝羶酪瓦刺有挾更居奇擁駕橫行金帛索其時蒼黃勢莫支盈廷諸臣坐駭愕我公慷慨

獨誓師收拾餘燼拒河朔喪君有君卿王立上皇始得還京  
洛不然和議效南宋鑾回直待馬生角徐石邀恩何恩恩夜  
半倉卒薄南宮擎天砥柱陷斧鉞宵小其爭奪門功屬鏤原  
非君王意他時追悔空揮淚易儲未免太賊恩遷怒孤臣何  
足異君不見棲霞嶺下夜嘯烏風波亭畔雪模糊興亡每欲  
談往事唾壺擊碎淚眼枯英魂九原莫飲泣自古忠佞不兩  
立

### 古劍

一拭斑斕淨星光欲動搖鋒鋌何太露恩怨未全消氣奪要  
離冢風寒豫讓橋深宵鳴古壁魑魅莫矜驕

陳掄英

號逸園山陰人嘉慶庚午舉人官秀水訓導

校官詩錄

君古貌古心粹然儒者處境艱貞无咎亦可徵篤信謹守之功

春夜

嚮夕春寒重無眠詩思濃一鐙十年夢殘月五更鐘未覺布  
衾冷翻嫌玉笛慵唐衢淚已盡知己不須逢

周

森

字蔥若諸暨人嘉慶庚午舉人官浦江訓導著儼庵詩稿

雨後觀新漲

芳郊雨乍收林園似新沐嶺樹散餘霞軒窗麗晴旭谿流活  
如雲檐溜滴成瀑眷茲景物妍起看山水綠飽挂一葉帆疾  
似穿楊鏃浩蕩滌煩襟蒼茫縱遠矚岸前鳬鷺飛沙頭鷗鷺  
浴拍手動高歌臨流堪濯足

幾家依曲澗地僻無塵蹤有客鼓枻去欸乃聲在空我欲從  
之隱持竿作釣翁仰天發長嘯九泉醒蟄龍五湖游汗漫三  
島望冥濛天光與水色上下渺無窮逝水去不返滔滔日向

東奚必慕宗慤萬里乘長風

轉甕

高臺如塔連雲起異人仰臥翹雙趾腳底飛來一甕圓按抄  
遠在青霄裏有時直捧梨花春有時倒瀉瓊酥傾有時橫翻  
車轂轉有時斜抹蜨丸輕忽然努力望空擲飛騰奚翅論尋  
尺頭上渾疑墮石來掌中恰好和雲接接得還從擲處安園  
丁抱甕許同看那堪託業飄蓬似世上悠悠著腳難

壽于敏

字春亭諸賢人嘉慶庚午舉人官陽溪教諭著自鳴詩草

陳孝子

其煨詩

嗚呼陳孝子至性稟於天少年喪慈母泣涕血漣漣結廬殯  
之側傷心託杜鵑日歸視父牀夜仍傍母眠無何祭掃者焚  
楮突炎燁徒薪乏先見烈燄燬墓田號哭獨奔救解衣撲燎

煙火熾風力猛寒骨幾同然挺身覆棺上髮膚任熬煎哀哀  
籲彼蒼鬼神亦閔憐陡覺風雲生大雨注原阡母棺幸無恙  
兒身慘顛連焦爍肝腸焚沈疴不復痊雖然焚身死此心永  
無愆非伯姬待姆婦道不得全非介推偕隱臣志不欲遷惟  
念罔極恩而以微軀捐身如鼎鑊炙力如金石堅危行光志  
乘烈烈姓名鐫嗚呼陳孝子流輝照魄淵

### 山行

散步林泉間萋萋草沒脛青蘿繞澗流白鶴巢松頂下有長  
眠人呼之不能醒不醒良亦佳世途半醺酲

### 靜室

焚香宜靜室無事此間居穴紙癡蠅出開編老蠹除噤聲貓  
捕鼠拳足驚窺魚把璣裁詩句燈明月上初

蔡聘珍

字笛嶽，蕭山人。嘉慶庚午順天舉人，官

蔡逸序略：君閩人，敏銳，以詩抗詩，鈔二卷。歷充庭，積入有餘，羨悉周交游，爲宰線達有爲，知抑豪。喜培道學，扶杖翼寒，暖生半豪於文，尤長尺牘，奏每指陳利弊，援古證今，曲折善達，均有裨於世。用詩格清，雄渾灑自，暢天倪，有唐錢舍人仲文、宋范參政致能風致。

詠史五首

舉夔勲業典謨存，遭際亨屯莫並論。治亂與人關福命，精誠終古在乾坤。匡山涕淚甘柴市，梅嶺衣冠冷墓門。五丈原頭遺表後，祇餘文史兩忠魂。

蓋世雄心富六韜，江南尺土視同袍。臥龍以外無餘子，捫蝨而談傲若曹。得遇風雲隨霸主，先從器識定英豪。知人還是桓司馬，惜讓婆樓詠子旄。



臣朔誠諧帝座前勝他放誕竹林賢不修邊幅張京兆獨許  
疏狂李謫仙名教之中多樂地羲皇以上便登天抗懷何處  
崇儒術敝帚千金枉自憐

名將何勞讀異書保身明哲問誰如金牌詔哭班師日蕙苴  
讒生裹革餘專閫有權成事業回天無力要吹噓汾陽功績  
垂青史賴有衡山隱士居

安劉存李費艱辛尤貴倫常獻替臣能以讜言全骨肉敢將  
家事謝君親普天率土民同樂終古傳名大有人與國興亡  
關此輩直教一髮繫千鈞

雨過柏井驛

卽春秋東山臯落氏地前明因晉之舊置樂平縣今改爲鄉

殷雷喧谷口眾鳥散林坳峽雨噴青玉潭雲隱翠蛟

青玉峽翠蛟潭

離騷三

里許樂平今廢縣臯落舊分茅何處容棲馬前山似二嶠

俞寶華

字蓮石海甯人嘉慶庚午副貢著一丈紅薇閣詩鈔

海昌備志蓮石讀書十行俱下未弱冠詩文茂美前輩引重早歲受知朱文正公後為阮芸臺相國輯兩浙輶軒錄法梧門紫河亦愛重其詩嘉慶庚午鄉試四書五經文五策皆駢體主司賞其工麗中副榜就職州判不數年卒

徐汭

一聲啞軋水如煙揮手西山去住牽夜靜有聲風振舵秋清無夢月窺船此閒旅泊同鷗汎幾日歸心託雁傳曲岸迴汀試延俟重來預約小春天

潘

鼎字彞長號小崑泰順人嘉慶庚午副貢著小麗農山館詩鈔

家傳略公幼穎悟總角侍其父飲月下命賦詩有影落酒杯裏手持萬里天句人咸異之年十三歲諸生旋食饌登嘉慶庚午副榜生不博涉羣書善筆札名一時工畫蘭尤為人所珍羅陽詩始係長幼穎敏博涉羣籍工詩書詩多散佚

秋夜獨坐寄懷曾寶鎮董雨林家秉衡

獨坐小堂深天清萬籟沈劍光寒夜色月影澹秋心講學依  
蓮幕吟詩記竹林故園風景好歸思託鳴琴

一卷山房漫興

結宇平林外悠然隔市閭簾垂春晝永花落午庭閒書慣貪  
多讀詩難割愛刪課餘仍寂坐靜對一卷山

夢中得水光輕帶月花影暗搖風之句起足成之

睡眠若朦朧前簷漏未終水光輕帶月花影暗搖風趣易閒  
中得詩難夢裏工春韶惜容易惆悵對蕩紅

送沈蘭初先生六絕句

錄二

一枝畫筆闢鴻濛六尺屏風潑墨工留得啟南家法在仙山

樓閣有無中

蘭初善畫尤工  
爲樓臺亭榭

繆篆兼通大小源雕蟲妙技恰專門王晁姜趙當時體古法

憑誰恣討論

蘭初工鐵筆

陳桐生

字季通號芝謁北崙孫錢塘人嘉慶庚午優貢官湖南督糧道

杭郡詩三輯芝謁與兄雲柯中丞並貢成均有元方季方之目陳雲龍太守稱其待人肅摯居官謹飭由維西倅擢景東牧旋守普洱分巡迤西督糧楚南引疾歸未抵呈卒于淮揚宦蹟所至民有去思

入都赴選途中感詠得詩十章

錄四

黃金聘士重燕臺多少英雄入彀來爭奈方干終薄命敢云  
深甫不憐才芙蓉江上秋風泣桂子巖頭夜雨摧回首少年  
同學貴也知茵溷莫須猜

聞道天街輦繡鋪

時春闈榜發

觀光我愧入

皇都納資敢引相如例混迹聊爲曼倩徒未必風塵皆俗吏  
何曾科目少迂儒從來門戶多成見搖筆還應擊唾壺

腰鞬手版且周旋新婦低顏似未便傀儡登場真作劇驚駘  
得路也隨鞭題輿何必勞周景赴隴終思報呂虔祇恐書生  
餘傲骨未諸奔走上官前

驪駒惘惘出門時振觸當前景物知斷續雨風吹故故模糊  
雲樹迴離離鄜州夜月憐兒女春草池塘結夢思別緒愁懷  
兩無著據梧聊復學吟詩

章

黼字次白號息翁坤子仁和人嘉慶庚午

錢振倫序路次白之詩清微之指

自會仙心和平之音亦殊几響

盛時霖曰梅竹山房詩魏君

滋伯許爲足繼西冷下

杭郡詩三輯息翁選松陽學官以憂去職後隴浦水發

州甬江諸學皆造士有聲又董潯西湖日挹雨峰之秀

詩境益清兼事倚聲研究音

律意極矜慎別著詞鈔二卷  
正月十六日許玉年滇生昆仲招同許雙南徐燮堂游

理安寺訪香泉上人復尋煙霞洞由六橋而歸

春游趁新晴南澗得幽境蒼靄路全迷曲折溪流引寺門隱  
叢林飛閣倚危嶺登眺山四圍凌虛納寒景松際見積雪垂  
垂若懸癭樵牧伴雲行出沒螺峰頂巖廣瀉清泉飛作山雨  
冷水聲與風聲泠然若相併惜無太古琴一彈萬籟靜遠公  
澹忘言禪悟入詩警留宿悵緣慳後期瀾新茗讀畫一席閒  
悠然意無盡

下嶺復登嶺人影忽回旋磴曲山不平忽見湖半面豁然得  
幽洞嵌巉若層殿旁列應真象鑿空出奇變色相夢中參石  
骨何年鍊洞中羅漢像吳越王因夢補鑄佛頂出飛泉彈指珠璣濺苔古裂  
凍皴風尖動寒顫古塔鐫蒼崖題名盡朝彥何日結團瓢澄

觀永留戀

策馬馳平岡，蹏迅蹏飛鳥。東風拂面來，吹我出林表。日夕湖  
氣寒，水際蕩微渺。孤山梅未開，叢祠望幽悄。定有看花人，尋  
春到芳草。沽酒重登樓，一醉吟未了。摹景如追逋，詩情墮空  
杳。回首失南峯，笑指山月小。

題孫雨人

同元

春江話別圖

漢時學校尊經師，訓詁大義無支離。先生家學五經庫，勘書  
柳下春風隨。申鄭難王闢，精奧丹鉛一一窮。研披楹書萬卷  
不釋手，傳道又向東甌移。東甌名勝天下絕，洞天中有藏書  
穴。奇文蝌蚪森琳瑯，幽秘未經秦火滅。先生南面擁百城，靈  
氣疏瀹煙雲生。諸生問字滿門戶，眾山響應絃歌聲。吁嗟我  
亦頭銜冷，卅年屢被秋風警。祖生起舞尙縱橫，鮑老登場漫  
馳騁。不如著屐從君游，飽餐苜蓿輕王侯。山川奇異頗能說，

恣登雁宕探龍湫重攜宮僚銀鑿落讓我大戶醉不休君家銀酒杯十係湯文正王文簡宮宮坊時所製出門一笑晚潮杯底鷓鴣姓名籍貫各視量之大小以戒之

急數峯青送春江舟

### 集慶講寺書宋理宗像燕游圖後

兩澗度春淙尋詩愜散步緬懷南宋迹講寺半成圃曾費千

畝田購爲功德所月桂與金波覽勝卽仙府當時郭蕭齋摹

傳畫像古

宋理宗御像郭蕭齋所寫見陳繼儒太平清話絹本數瀋祐傳神在阿堵

龐然烏太保得毋後人侮

理宗資貌龐厚號爲烏太保見三朝政要更有玉軸藏

燕遊宮嬪聚閤妃好顏色旁侍尤媚嫵新妝髻不落

理宗朝宮妃梳

高髻於頂曰不上馬足輕舉

理宗朝宮妃束足纖走落見妝臺記直名映上馬見說略同是一家

春深宮皆寵怙黑祿逼江淮西湖競歌舞醉登芙蓉閣南望

空淒楚

理宗在宮中嘗被酒上芙蓉閣見淮上有黑祿十朝餘年不散南逼江淮間淒然淚下見吳淵穎集



網六十年耄荒已無補理學幸修明不讓小鄒魯空山遺真  
容千載尙如睹縹緲叩玉扃蒼涼埋香土祭閭妃文有五雲  
縹緲誰叩玉扃之  
句見隨  
隱漫錄酒幾徘徊忽聽法堂鼓

林少穆制軍瀕行有詩留別卽依韻題邊城伴月圖七

言律四章

萬里西風寒草秋吹殘羌笛唱涼州行看夜月霜連磧照見  
天山雪滿頭皎皎輝光隨驛遠明明心迹入邊愁狂瀾未挽  
空餘淚籌海何人更起樓

摩挲腰劍倚清秋恨未平淮入蔡州匹馬但隨書萬卷故園  
不問橋千頭雲山空遶途中夢公偶拈東坡夢遶雲  
山心似鹿句以自況烽火難  
銷海上愁高處不勝寒料峭臣心終自憶瓊樓

萍寄秦淮水國秋

公置眷屬  
於金陵

漫教吟憶在鄜州好留圖畫常

園坐

緒家慶圖二一攜

且盡芳尊一舉頭  
甚解小坡忘勝負

川東坡在儋州觀基詩意

時哲嗣楫之庶常隨行  
曲成橫吹雜懽愁遙知七十二峯

處一樣清光照滿樓

公在家築樓三面皆

高誼雲天薄九秋誰知巢國走黃州  
孤山鶴夢思高隱

公億及辛

已年同許玉年

河渚蘆花感白頭

公近爲余題西溪圖有旁

孤山看梅之叙  
成白樂府早歌飛破鏡離騷豈爲寫幽愁  
此時只可談風月

不減清懽在庾樓

### 阿育王寺觀舍利塏

羣峰連鄧鄞一峰獨昂聳東迤五十里巍然金剎竦蒼松結

虬枝猶傳典午種萬壑沈寒籟一徑豁天壑石懸星精墜

院有壁

星石巖折泉流洶妙喜憶鐫銘

妙喜泉三字張無垢書

普香示供奉

普香世界四  
字張卽之書地矗罕堵波光激丹鼎  
禾我佛現等身舍利虛

空涌尸羅雙樹渺寶珠一粒捧憶昔阿育王罪業生怖恐入

萬四千塔天龍助神勇薩訶亦獵者自懺發愾懣延祐志東

佛左足迹上有東塔院傳者謂劉薩訶所禮舍利塔涌之處

金翅鳥異記引顯越碑云發西國獵人劉薩訶南登稽嶺東

山踐鄞永留真人蹟不入凡眼孔才公坤何人仙書巖寵綖有山

大權洞仙書巖巖在山後有才公坤三字玉几橫我前游情逐飛瓊隆冬策枯筇

寒翠一身擁晴巒雪積微夜廬霜壓重孤蹤桑下宿塵根夢

中悚明發天童游鐘聲息羣動

### 葛壯節公寶刀歌

山陰儒將真天人歸耕隴上娛慈親雄才遠志時叱咤要平

海島無纖塵道光辛丑機槍見英夷稀突妖禮煽舟山城陷

猝不防殉身姚令全丞掾大府飛檄故將軍麾旗重建策奇

勳慨然登堂拜老母誓不殺賊非忠君腰下佩刀百鍊永一

號成忠一昭勇招亡集散軍復振運籌節相神機總赦還西  
女易故土收復拊膺一諾重繼來驕帥議紛更虛假威聲實  
畏悚氛沴再犯我失恃王錫鄭國二鎮轉鬪死援師不來齎  
糧無夷艇送進帆檣駛公然巨礮雷電併賊懼退舍踞高嶺  
飛標仰擊如排山不料靈霖降俄頃雨溼火遏燄不張我兵  
苦戰徒皇皇礮陷淤泥掉不舉公來閱視心悲涼大聲疾呼  
走殺賊手掣雙刀鬪益力血光橫濺甲冑紅怒氣上騰星斗  
黑登城見刀不見人人頭落地如山積背受鉛丸洞胷膈手  
尙執刀身僵立海民尙義求公尸背之不動拜且泣禱公須  
念太夫人淚下身輕神不測嗚呼將軍竟死刀猶生飛魂入  
海憤不平刀亦隨魂截奔鯨忠心義膽鐵鑄成

題明四川按察使僉事對峰金公遺像冊爲亞伯同年

作公嘉隆間件嚴嵩外謫又因杖宦官馮保家奴爲族孫亞伯太常表識舊阡爾乞碑誌傳其事又得公遺像裝冊徵詠

風雨怒號烏夜集  
宰木蒼蒼神鬼泣  
鐵骨幽埋二百年  
墓門斷碣荒苔蝕  
忠精佑啟九世孫  
稜稜風節騰朝暎  
黼黻承平耀家乘  
闡微旌直史  
筆存憶昔明祚朝  
綱否欽鴛作相諫  
臣死十年緘默非  
苟安冷眼冰山何  
足恃貂璫竊枋生  
河開毒箴更甚鈴  
山姦鉤黨同惡禍  
斯酷爪牙肆威時  
益艱楊疏題暴廿  
四罪臺省交章扼  
吭待縉紳墨黜羣  
閹興茄花紅滿深  
官殆知幾獨先集  
霰憂養癰成患懲  
陰柔赤棒怒飛姦  
膽碎僉事豈是懦  
夫流罷官歸隱孤  
山麓剛直弗蒙東  
市辱孤松空抱歲  
寒心桐華誰解悲  
涼曲吁嗟乎豸華  
堂上霜月明冷石  
軒前湖水清臣心  
臣節自終古不競  
豐碑青簡名

趙

琴

字丹山上虞恩貢  
有擬香書屋詩稿

三忠祠

并序

三忠爲宋宗室長良坡次良坦次良峻坡坦俱殉國  
難一死於燕一死於閩峻恥食元粟飄然遠引不知  
所終虞故有祠在華渡西園南元縣尹張屋有記今  
廢

跌斷殘碑秋草煙三忠遺蹟更誰傳西園祖德貽忠烈  
良坡  
吾十一世祖南渡人才有變遷檢點姓名悲縣志  
坡坦俱入  
入忠烈祠  
志良峻獨缺新  
志峻訛作俊  
淒涼祀事失塋田同時子固樓居久干古清  
魂託水仙

孫國壽

字虞尊  
錢塘人

和安化陶雲汀宮保

謝

壬辰四月偕同人登東海雲臺

山詩卽用原韻 錄一

幽澗龍蟠未許捫旁枝夭矯亦龍孫層樓翠擁朝霞曙寒殿  
鐘停暮雨昏應與滄溟回地軸也同岱嶽上天門紫霄遠答  
鸞皇嘯吟罷還應酌一尊

常

璘 字楚庵  
錢塘人

東明寺

一葦安溪訪舊蹤蕭蕭禪室昔潛龍河山已屬燕王有花木  
仍爲老佛穠叵秘深宮知數定像懸古殿歎塵封須知此處  
東明寺猶勝煤山罷曉鐘

張敬謂

字佩言號南園錢  
塘人著等閒集

陸敬序畧佩言詩純任自然機趣橫溢他人冥搜默索  
所不到者乃以平易出之不名一家正復自成一家也  
看潮

海底雲翻上碧天  
濤頭一綫捲沙田  
浪高水急心爲怯  
岸闊山遙眼欲穿  
羅刹千秋噴雪練  
枚乘八月寫雲煙  
蘆花風定江平後  
待向灘邊喚渡船

錢

東

字玉魚  
錢塘人

杭州詩續輯玉魚擅六法客游揚州與  
曾賓谷都轉相唱和詩見題襟館集

秋湖觴芟詩

采蓮唱徹煙波裏  
千朵荷花照秋水  
今年夏閏得秋遲  
珍重秋光入杯底  
南豐都轉令歐陽  
湖山壇坫重主張  
木蘭艇子載賓從  
紅牙小部調笙簧  
湖邊亭館背蜀岡  
筵開四面圍花光  
列坐其次飛羽觴  
酩酊遙挹江雲涼  
先生對之娛且樂  
詩人半在蓮花幕  
更攜吟屐叩煙蘿  
屬翦生綃繪幽壑  
湖海元龍豪氣除  
愛探幽境寫精蘆  
座中竹室能敏速  
淨香園子歸



尺幅吳生嘯傲凌滄洲貌出湖千百尺之飛樓幾子荒寒寫  
清曉城闔古寺維舟早描摹都恐未能工爭似先生大文好  
其餘諸子皆俊豪爽氣欲與秋爭高祕思妍唱一時集競就  
玉尺歸鈞陶江城此會真罕覩賢哲風流映前後一卷流傳  
地與人並附先生垂不朽

汪曾澤

字小農號春波仁和人官廣東大湖場大使箸抱璞居詩鈔

雨窗口號

泥塗滑滑客來稀嬾蝶蕭疏沒處飛潤濱檐眉生草帶溼蒸  
石背長苔衣情深桑柘縈鄉夢望遠江湖念釣磯安得身閒  
似巢許百年長掩舊柴扉

李堂

字允升號西齋仁和人

顧光序署允升隱居市廛不慕榮利其詩格正氣蒼駿駿入古人之室

東軒吟社同人小傳西齋浸淫古籍不慕榮利少時學  
爲詩于詞學致力尤深爲浙西數十年巨擘著有梅邊  
笛譜邊窗翦燭集各二  
卷冬榮草堂集三卷

戊子正月二十一日同人移奉厲樊榭徵君及姬人月

上木主於交蘆庵紀事

與公阿買交遺事畧能述惟公篤友愛雁行不暫失伯道竟  
無兒身後轉蕭瑟白頭一妾存姪死孰調卹煢煢依壻居廟

主亦散佚何丈

春渚

偶見之拂拭淚雙溢走告王司寇述庵舊雨

情更密嘉慶辛酉年四月初六日附諸文節祠騷雅庶其匹

烝嘗久闕如淪沒理可必諸君過興慨不畏俗人詰公墓近

河渚渚中埽一室今春王正月望後謹涓吉奉遷妥厥靈其

放短簫出肅然致瓣香多士有表率矧公故游地歌詠富篇

帙一梅與一石皆昔所親暱靈應樂憑此宿願償已畢相約

春及秋溪毛薦芬苾我來瞻拜餘俚句聊紀實

春日汪小米

遠孫

招集水北樓分韻

軟碧琉璃水一灣層樓傍水占三間初陽纔映郭邊柳宿靄  
漸開湖上山簾幙隔年迎燕入闌干終日伴鷗閒鞠翁半隱  
遙相對艇子衝煙易往還

寶雲山觀賈似道家廟紀恩摩崖

寶雲山下殘照收霜林葉脫風颼颼平章舊業久傾圯尙餘  
故蹟供尋按披榛捫葛上危磴摩崖大字盤蛟蚪景定三年  
正八日詔營家廟寵渥優莫忘忠報誠後世權姦當日慮亦  
周一之

金應桂

最稱善書者幅巾鶴氅殊風流此書得非出其

手隸法瘦硬筆力適憶昔論功號再造竊叨崇秩甯無羞渝  
盟背約啟邊釁要君求去仍淹留卽此已見罪莫追何待喪

敗流循州忠實不欺占有訓姦言文飾空綢繆今惟留此數  
十字瑤房錦樹成荒邱我來讀罷久延佇但聞蟋蟀鳴深秋

張文獻公祠

唐賢祠宇面江開故隱南山久沒苔手錄方呈金鏡去容華  
已選玉環來臨朝此日論風度遇亂他年憶相才未老漫驚  
團扇賜蜀中遣祭亦徒哀

順德雜詩

風雨連朝海氣昏孤舟有客正銷魂長松兩岸青難了直捲  
寒濤到郭門

環海鯨鯢就戮空不聞鼓角警長風戍樓處處無人倚分映  
斜陽一半紅

初長春潮拍野塘畫橋低跨水中央蕉花著雨開無數紅出

人家牡蠣牆

桄榔樹暗掩雙扉  
軋軋鐙前正弄機  
手織素綢波細蹙  
輪誰裁翦作春衣

馬怡孫

字和仲號小葉履泰子仁和人

杭州詩三輯小葉嘗侍太常視學陝甘輯軒所至極登高能賦之樂歸里後入潛園吟社弟兄並流時譽

訪萬柳堂遺址次松雪原韻

不見名園柳拂池  
空餘寒荻覆漣漪  
禪僧已結拈花界

拈花寺卽

堂舊址

嘯鳥猶傳驟雨詞  
易散平泉千品石  
難磨綠野二賢詩

一樓尙立荒煙裏  
徙倚斜陽動客思

楊鐵崖讀書處

當日文妖豈定論  
嶺南尙有讀書墩  
詞人爭效嬉春體  
老子新開樂府門  
鐵笛詩來重拭目  
竹枝歌罷最消魂  
史成不改

霜袍色名與青山要並存

馬

瀛

字二槎  
海甯人

杭郡詩三輯二槎吟香仙館書目多世所未見之本有  
宋本漢書晉書因以漢晉名其齋晉書爲天籟閣故物  
有王弼州手鈔補缺  
之卷真書林瓌寶也

鐵簫朱少仙先生

文治

屬賦

春潮驚拍岸深夜泛輕艘行篋無他物簫聲落大江魚龍齊  
出聽箏篴不成腔除卻李暮外知音真少雙

贈翁小海

維

耐凍緘書指欲僵遠勞雁足慰情長澹交祇覺心如水久別  
俄看鬢有霜舊硯生涯煩地主謂生孤舟風雪尙他鄉君才  
爭比荒年穀聲價猶聞到處昂

武承烈

字肇周號秋樵嘉  
興人著秋樵詩鈔

徐熊飛序略秋樵家漢塘之市閑門卻掃不逐塵軌或  
孤舟圓笠來往九峰三柳松陵茗雪閒遊蹤所至輒有  
吟詠其詩冥搜極詣務求神理於迹象  
之外而五言尤高潔澄澹多絃外之音

金閭歸棹

殘冬景方促歸計在春先潮落中流急風高片席縣亂山銜  
夕照孤鳥破寒煙漸覺鄉音近蟾輝幾度圓

長興旅感

焙茶香十里顧渚暮山蒼衆壑分春溜孤城背夕陽風塵欺  
鬢色楊柳憶江鄉吟罷空延佇新愁訴鴈行

偶成二絕

三徑蓬蒿四壁苔編籬鉏草好栽培柴門莫道無人過開到  
黃花有客來

野人落拓無拘束自寫新詩付酒家到得秋來連日醉幾曾

醒眼看秋華

張心言

字綺石海鹽諸生著綺石詩鈔

可作集綺翁精形家言穿穴卦義能發吾鄉蔣太鴻未盡之蘊著有地理辨正疏行世尙有地理後案藏于家其詩清麗纏綿有晚唐風味法時帆祭酒謂爲吐納風華標致蘊藉如其爲人

月夜渡鴛湖

鴛湖波百頃快遊凡幾度時覺煙雨佳未與明月遇清暉何迢遞曲港互昭布木葉散瓊瑤汀花媚縞素潛行出隈隩晃朗幾經顧天水遠不分晝夜光疑誤一葉點微波帆影鏡中渡樓閣峙中洲闌干厯可數遙瞻魚樂國夜漁逐鷗鷺清風遠渚來披襟散沈痼鳴柝接高城雙塔影前露萬家何寂寂市井隔喧諠動息有至理靜對了可悟抱郭水縈紆一徑入煙霧客行無昏曉天明何處路



沿溪吟

明月滿牀雲繞屋秋花伴我巖邊宿落葉打門鳥相逐鳥相  
逐睡初足起看扶桑日初浴照耀紅樹圍山谷試數門前溪  
幾曲沿溪位置松梅竹

施鍾成

字崑三石門廩生  
著秀芝堂詩稿

縣志鍾成九歲失怙恃兄舟撫育  
成立篤友誼以兄亡哭泣而卒

聽雁和顧景原

楚雨吳霜老白蘋一聲征鴈黯傷神知君劇有鵠原痛不獨  
傳書念故人

予亦披圖愴別情聯牀風雨憶平生於今不敢憑江閣怕聽  
遙天斷雁聲

陸如溶

字春漪石  
門諸生

夏日讀書山寺

惜日愛日長入山愛山靜讀書宜山居況當夏日永偕侶來  
招提恍疑歷仙境禪房寄深幽四圍環峻嶺窗外樹扶疏澗  
底泉淒冷六月不知暑悠然塵慮屏心地自清涼旨趣從茲  
領此樂復何如還期共修省

伊

杓字葭甘平湖諸生  
著水西樓詩集

聽徐絅齋彈琴

手揮情不盡絃外有餘音澗水靜流壑松風清滿林無言生  
古意入座淨塵心縹緲孤鴻度秋雲澹遠岑

春水詞同徐雪廬作

赤闌橋外古隄邊幽鳥飛來破碧煙一種情深流不斷東風  
人在木蘭船

嚴

勳

字嗣塘號碩亭烏程諸生著碩亭詩草

飛越嶺

邛笮之西康居東亂山窠業擄蒼穹我昨經行九折坂殊狀  
詭類心魂忪今聞飛越嶺更險橫截蠻荒何其雄連峰峻壁  
去天咫尺神禹未鑿留鴻濛仄徑槎牙景虧蔽鉤梯騰踏攀緣  
窮石根偃臥夜叉臂笑者怒者如黑熊與人佞擬不敢語孟  
勉一往用仰攻盤紆千仞蟻旋磨排翮一簞雕摩空忽開生  
面躋絕頂煙消雲散林號風茫茫眺望幾萬里俯視蒙蔡二  
名禹貢蔡蒙旅平真兒童方今邊徼多伏莽給芻轉粟勞已寶軍輸  
絡繹出此道材官誇稱馳黃驄威稜遠播蓬婆塞關外權歸  
郭令公乾隆辛亥歲廓爾喀侵佔藏地邊隅不靖命大將軍嘉勇公福康安率師征剿進抵祿木山庫  
爾喀投誠納款遣其頭人噶箕入朝并獻馴象孔雀各物  
壬子冬撤兵回京凡師往還必過飛越嶺屬雅州府清

溪縣西南第一險阻也  
內訌既除科番格  
科爾喀即廓爾喀又名別蚌子始有紅幅喇嘛在內起蚌

越裳雉由重譯通凱歌聲喧藏前後儼然王會車書同試看

磨崖勒古篆祁連特爲紀元功

### 重陽日抵東俄洛

登高佳節記重陽無奈離愁起異鄉欲插黃花何處摘亂堆

青稞見鍋莊  
番人築土爲垣上鋪板片名曰鍋莊下則居人上堆青稞煨子一望荒涼幾非人境

徐石麟  
字天錫號鶴舟烏程人善鑄舟遺稿

冷廬雜識鶴舟少孤貧訓蒙自給程笥軒茂才唱梅魂詩索和極激賞徐作以女字之未娶得痼疾乃更刻若

爲詩病三載忽起程方將送女畢姻而徐竟以傷暑暴卒其從姪春都爲刻遺稿行世警句如淡煙三故竹斜

日一村鴉山雲秋帶雨海月夜生潮松花山路分諸澗楊柳人家聚一村皆風雅可傳

### 和張蓉鏡曉過蘆蕩村

青山南二里隔水有蘆花秋色白無際夕陽紅幾家竹籬吟

闔閭茅屋繞棲鴉漁父前谿渡煙波渺一涯

莫

量

字藁君號補之歸安

唐志是博學多聞諸君進取少與胡宿姚  
棣等爲七友有唱和詩入讀淵閣錄集

讀宋史書後

五季方雲擾中原棄燕薊可憐馬上郎甘作孫皇帝十萬劍  
空磨斯憤誰能泄藝祖揮天戈排蕩秋雲霧河北卽削平鉅  
野回英睇契丹實勅敵矧據建瓴勢圖之此其時及我猶可  
制若待江南平士氣恐難厲桓桓潘將軍規畫在萬世豈患  
守無人勇夫尙重閉彼哉學究翁所見何太細雖曰由懷安  
良亦忌遭擠倉卒風雪中一言誤大計坐令四百載拱手受  
其弊堂堂大宋朝乃爲石晉繼貽謀良已失胡獨罪後裔

澄碧堂詠太湖石

鉤簾展眼煙翠鋪皺雲一朵垂五湖五湖山石幻奇怪神斤  
月斧摩夔魑雨工力可擘太華鍾鑿不異秦鞭驅砮如鐵網  
出海底交柯斫斷青珊瑚健犢挽牽來到此劖青嵌翠羅紛  
敷佛螺鬼繡皺其頂紅羊碧獸纏其跌澄碧堂臨雪溪上雙  
茗如玉分流趨雲根忽通泉穴活拳骨生剗翠不枯匠師巧  
疊作山窟宛如列笏翹犀株大者基置小筍立尋峰尺壑當  
階除繚以朱闌干十二緣天森植蕉杉梧叢深微子花缺露  
中央特峙疑蓬壺日暄煙靄秋未杪土花剝蝕苔花蘇憶昔  
蓉岡構艮嶽花石綱使紛交輸巖搜陸運蒐殆盡那得弁璞  
留山隅玲瓏挾剔石林倒明駝輦入金燕都江南名構久蕪  
沒風鐙過眼徒嗟吁何如此石置得地名公鑑賞珍璫璫笏  
袍應下海岳拜摹圖不及雲林迂哦詩贈石慶其遇會吐虹

同游車馬約金  
卷二十二  
氣驚菰蘆

墨妙亭歌

吳興夙稱清遠鄉海內名彥爭來翔英詞妙墨播金石上沿  
漢魏下晉唐棠邑之碑兼篆籀八分巨手推中郎筆陣變隸  
雖涉俗自成規體由鍾王潘妃蘭亭闕數字大令橋帖纔三  
行後來作者亦林立平原腕力尤精強杼山遺刻石佳記何  
異金薤垂琳瑯荒塋古剝滿山谷往往奇蹟羶幽光天水賢  
寸性嗜古搜羅斷缺揮縑緗射圃築亭儲最屬日事墮拓充  
行囊存者僅傳三十二霜饕雪虐吁可傷題詩更得玉局老  
勝事誇說資揄揚當時寶惜慎防護如獲石鼓來陳倉雲煙  
過眼六瓦載胥跼劫火悲紅羊裴回破礎發二歎物理聚散  
何能常

李端本

字此山  
山陰人

六江詩話此山工書法以右軍爲宗兼善畫石有逸致  
性孤冷不喜與人接晚年家益窘顏其廬曰若此山房  
蓋以齊人自況也

越州竹枝詞

買得門前半畝湖環籬種竹繞蓬廬幽居莫道無珍饌三月  
龍孫九月鱸

胡

選字士銅  
會稽人

粵東送稼生表弟歸會稽

淚溼衫痕舊詩成別恨新有家偏作客無計可娛親明月一  
杯酒寒雲萬里人海天更寥廓相望益霑襟

壽于牧

字貢九號蕉餘諸暨  
諸生著借一枝樓稿

題墨湖傲霜圖

南浙輶軒續錄

卷二十六

南浙輶軒續錄

堯



男兒不得志傲骨何嶙峋秋菊不趨時風期如可親吾家阿  
咸柴桑儔廓然胸臆凌清秋家徒四壁無長物藝菊百本輕  
王侯示我傲霜圖一幅稜稜風骨秋霜肅知君朝夕餐落英  
槎枒逸氣撐空腹吁嗟乎天亦不爲菊而霜菊亦不爲霜而  
芳人非貧賤始兀傲要惟本之固者外莫戕墨湖墨湖意何  
如慎勿骯髒悲窮途吾輩閒適天所靳不嫌骨立形容羸西  
風籬下一杯酒瘦絕黃花眞我友禿襟短袖詩百篇塵世難  
逢開笑口吾將上呼竹林賢下揖蓮社禪與爾花下同周旋  
有花有酒興陶然置身直在羲皇前

王維祺

字梅庵黃巖增生

俞樾撰墓志梅庵貌清癯長不踰中人而舉止端重望  
之儼然著有時鳴集一卷眞意齋雜纂二卷醫學約鈔  
四卷皆未之見所見者家訓  
六篇其子孝廉蒙所編次也

詠竹

淩霜堅節獨存真竹箭青青自有筠雪後浮煙清夏玉風前  
掃月浪翻銀花合鳳實欺凡鳥簞解龍孫羨錦鱗千載渭川  
應似舊小園風景更超倫

鄭作朋

字耐夫樂清諸生

縣志作朋天姿高邁穎悟絕倫甫成童即善屬文於聲  
詩之道尤為究心父一亭構祠塾傍為別墅曰息耒園  
為遊息所作所奉親之暇開作詩歌以自娛時翁效曾  
授徒別墅慕其學行結為詩友平日好遊山如雁蕩玉  
虹孤嶼靈巖及西湖虎邱諸  
勝境屢迹所經題詠盈筐

酬友人用韓昌黎北極贈李觀韻

南山有隱豹北海有涸鱗變化亮欲速時會靡所因與子結  
契好乃如影隨身忠良託素諾懷抱通元神子本超曠士余  
亦淡蕩人結言誓不爽握手愈相親王貢詎不慕顧我非其

倫惟當崇明德終焉絕緇磷永歡庶可畢貴交何若貧

息未園感作

昔我先君子構此數椽屋文牆圍荔蘿清池夾梧竹追遠託  
微情宣遊寄遐矚更置萬卷書牙籤帶錦軸忽隨大化徂空  
自廢莪蓼去秋八月中海風盪陵谷奇石爲傾頽亭榭皆偃  
仆誰實讀遺書忍此宗祏覆舊迹每遵行心戚步常感屢思  
一冀除乃或惑禍福眩於術者言理昧稽諸卜卜之又猶豫  
轉費再三讀鬼神厭其德終焉不吾告敗壁露青山空庭餘  
松菊地曠無居人入門飛蝙蝠誓將破蟬腹急爲謀改築仰  
瞻白雲浮側嘆元駒速霜露感如何撫時悲風木

茶花吟

偶然散步西園中一樹茶花白而紅紅白俱非花本色好事

撮合如天工皮根相樛若連理籬稜厚葉搖春風君不見周  
家棠棣聯跗萼又不見田氏荆枝發故叢豈無蒹葭倚玉樹  
亦有薦蘿繫喬松巧附妙綴從其類冷霜苦雨常相同嗟嗟  
人生豈不如草木草木異本尙能交龍蔥吾今寄語一本者  
莫令彼此不相容

### 遊白鶴寺

此地梵王宅當時隱士家寺爲張文君舊廬伊人渺千載苦竹滿山  
斜鳥語答疏磬溪光沈暮霞華嚴餘劫後何處問金沙

### 東塔院

臨海窺龍藏梯雲得雁堂短垣延野色孤塔弄晴光郭樹人  
煙簇山嵐佛鼓涼一參無上理細細發心香

### 梅雨巖

絕壑何人遣五丁  
鑿空飛雨一時生  
偶看丹嶂雲常合  
疑是黃梅候未更  
潭影滌分僧眼碧  
霧花寒點客衣輕  
回頭笑語同遊客  
似此須斟一勺清

王宸正

字建章雲和諸生著顧璣吟稿

縣志宸正性僻儻傳極羣書尤工詞賦著述等身歿後多散佚

館永福寺有感

天儲雷雨一山空  
館借荒庵道未窮  
堂下鳴琴泉咽石  
門前舞鳳竹翻風  
看碑有淚思羊祜  
設帳無才愧馬融  
好取毛錐三百管  
魚龍畫滿粉牆東

適規溪館口占

漫說奔馳厭小奚  
行囊頻促負東西  
文章零落同楊狗  
氣概消磨到木雞  
伏櫪空懷千里志  
遷喬聊借一枝栖  
於今白髮

侵雙鬢橋遇昇仙敢浪題

擬陶

羲皇去我久風志酬何時橫撫無絃琴適意還在茲暇日肅  
僮僕諸田灌一陂閒閒陌上桑陰陰日景移有客前村來攜  
手歸東籬花開重訂約有酒且酌之但飲勿復閒沽來無盡  
期

兩浙輶軒續錄卷二十六